

ጳውሎስ ቆርንቶሳ ኣሳሰ ፃፊዳ ኮይሮ ኪታ ጋሳ ቆፋ

ጳውሎስ ቆርንቶሳ ኣሳሰ ፃፊዳ ኮይሮ ኪታይ ፃፊቲዳይ፡ ጳውሎስ ቆርንቶሳን ኤሲዳ ዋሳ ኩላን ኣማኒያ ኣሳ ዳዖኒኔ ኣማኖ ቦላ ዳንዲዳ ማቲዋሰ ዛር ኢማናሳ። ሄ ዋዴ ቆርንቶሳ ካታማይ ቢታን ዳዒያ ዲማ ዲማ ኣሳይ ዳዒያ ገሪኬ ካታማኔ ኣካያ ጊያ ርሜ ኣዉራጃሰ ዋና ካታማ። ሄ ካታማይ ዛልዔን ኤሬቲዳ፣ ዋጋን ማኒዳ፣ ዲማ ዲማ ኢታ ዳዖን ዳልጊዳይሳኔ ሃይማኖቲ ዳርቴላን ኤሬቲዳይሳ።

ሃዋሬይ ማንሲዲ ኦዳናው ኮዪዳይ፡ ሄ ዋሳ ኩላ ጊደን ማዴቲዳ ሻሆቴላባ፣ ዲማ ዲማ ኢታ ዳዖባ፣ ላይማቴላባ፣ ኤኮ ጌሎባ፣ ዋሳ ኩላ ዋጋባ፣ ጌሻ ኣያና ኢሞታታባኔ ሃይቆፔ ዳንደባ። ዋንጌላይ ሃ ኦይሻታ ዋቲ ዛሪያኮ ሃዋሬይ ናጊዲ ኦዳሰ።

ሲቆይ ያሳይ ባ ኣሳሰ ኢሚዳ ኣቶ ኢሞታ ጊዳይሳ ሸምፖ ታማኔ ሄቫይ ቆንጨሴሰ፤ ቃሲ ሸምፖ ታማኔ ሄቫይ ሃ ማፃፋን ዳር ኤሬቲዳ ኪፊሌ ጌቴቲዳ ኤሬቴሰ።

1 ቆርንቶሳ ኪታ ኣይፌ ቆፋታ

- ጌሎ ቆፋ 1:1-9
- ኣማኒያ ኣሳ ጊደን ማዴቲዳ ሻሃቴላ 1:9-4:21
- ላይማቴላኔ ሶ ኣሳ ዳዖ ዋጋ 5:1-7:40
- ኣማኒያ ኣሳኔ ኣማኖና ኣሳ 8:1-11:1
- ዋሳ ኩላኔ ጎይኖ ዋጋ 11:2-14:40
- ኪሪሰቶሳ ዳንዲዋኔ ኣማኒያ ኣሳ ዳንዲዋ 15:1-58
- ዪሁዳን ዳዒያ ማቶቴቲዳ ኣማኒያ ኣሳሰ ማዶ 16:1-4
- ኩሻ ቆፋ 16:5-24

1 ያሳ ሸኒያን ዬሱሰ ኪሪሰቶሳ ሃዋሬ ጊዳናው ጭቲዳ ጳውሎስ፤ ኦ ኢሻ ሶሰቴኒሲ። 2 ቆርንቶሳን ዳዒያ ያሳ ዋሳ ኩላሰ፤ ዬሱሰ ኪሪሰቶሳን ጌዪዳይሳታሲኔ ጌሺ ጊዳና ማላ ጭቲዳይሳታሰ፤ ቃሲ ኤንታሲኔ ኦሰ ጎዳ ጊዲያ ኦ ጎዳ ዬሱሰ ኪሪሰቶሳ ሱንላ ኡባ ቤሳን ጃጊያ ኡባሰ፤

3 ያሳይ፡ ኑ አዋይኔ ጎዳይ ዬሱስ ኪሪስቶስ ሂንቴው አቶ ኬሃቴላኔ ሳርቴላ አሞ።

ጳውሎስ ያሳ ጋላቴስ

4 ያሳይ ኪሪስቶስ ዬሱሳ ባጋራ ሂንቴው አሚዳ አቶ ኬሃቴላ ጊሾ ታኒ ኡባ ዋዴ ያሳ ጋላታይስ። 5 ኢያን ኦዳኒኔ ኤራቴላ ኡባን ሂንቴ ዱሬቴዳታ። 6 ታኒ ኪሪስቶሳባ ማርካቴዳይሲ ቱማ ጊዳይሳ ሄሲ ቆንጨሴስ። 7 ሄሳ ጊሾ፣ ሂንቴ ኑ ጎዳ ዬሱስ ኪሪስቶሳ ዩሳ ናጊሼ ዴዲሺን፣ አይ አያና አሞይካ ሂንቴው ፓጩና። 8 ኑ ጎዳ ዬሱስ ኪሪስቶስ ሰሚያ ዋዴ ሂንቴ ቦሪቶናይሳታ ጊዳና ማላ ኢ ወርሴሌ ጋካናው ሂንቴና ሚንላና። 9 ባ ናዓ፣ ኑ ጎዳ ዬሱስ ኪሪስቶሳራ ኢሲፊቴላይ ዳና ማላ ሂንቴና ፀጊዳ ያሳይ አማኔቲዳይሳ።

ዋሳ ኬላን ዴዲያ ሻሁዋ

10 ታ ኢሻቶ፣ ሂንቴ ጊዶን ሻኬቴሌ ዶናዳ ሂንቴ ኢሲ ዋዛናኒኔ ኢሲ ቆፋን ኢሶ ጊዲዲ፣ ዳና ማላ ኑ ጎዳ ዬሱስ ኪሪስቶሳ ሱንላን ታ ሂንቴና ዋሳይስ። 11 ታ ኢሻቶ፣ ቁሎዔ ሶ አሳይ ሂንቴ ጊዶን ኦሺ ዴዲይሳ ታው ኦዲዶሶና። 12 ሂንቴፊ ኢሶቴ ኢሶቴ፣ «ታኒ ጳውሎሳሳ፤ ታኒ አጲሎሳሳ፤ ታኒ ዴዲሮሳሳ፤ ታኒ ኪሪስቶሳሳ» ያጌታ። 13 ኪሪስቶስ ሻኬቴዴዴ? ሂንቴ ጊሾ ማስቃሊያ ቦላ ካቁቲዳይ ጳውሎሴዴ? ዋይኮ ሂንቴ ጳውሎሳ ሱንላን ፃማቁቲዳቲዴ?

14 ታኒ ቃሪስጶሴኔ ጋዮሲ አቲን ሂንቴፊ ኦናካ ፃማቃቦና ጊሾ ያሳ ጋላታይስ። 15 ሄሳ ጊሾ፣ ኦኒካ ሂንቴና ታ ሱንላን ፃማቁቲዳታ ጋናው ዳንዳዔና። [16 ቃሲ ኢሰዲፋኖሴ ሶ አሳካ ታ ፃማቁዳይሳ ኦኬካይስ፣ ሺን ሃራ ኦና ፃማቁዳኮ ሃሳዩኬ።] 17 ኪሪስቶስ ታና ከቲዳይ ዋንጌላ ኦዳና ማላሳፊ አቲን ፃማቃና ማላ ጊዴና። ኪሪስቶስ ማስቃሊያ ቦላ ሃይቁዳይሲ ሃዳ ጊዶና ማላ ታኒ አሳ ጨንጫቴላ ቃላን ኦዲኬ።

ኪሪስቶስ ያሳ ዋልቃኔ ጨንጫቴላ

18 ኪሪስቶስ ማስቃሊያ ቦላ ሃይቁዳይሳ ኦዲያ ቃላይ ቆይይሳታስ ኤያቴሌ፣ ሺን ኑስ አቴይሳታስ ያሳ ዋልቃ። 19 ጊሻ ማፃፋን፣

«ታኒ ጨንጫታ ጨንጫቴላ ቆይሳና፤
ኦኬካንቾታ ኦኬካ ባሌላና»

ያጌስ።

20 ያተን፣ ጨንጨ አውን ዳዒ? ሂጌ አስታማሪይ አውን ዳዒ? ዋይኮ ሃ ሳዓ ኤራንቸይ አውን ዳዒ? ያሳይ ሃ ሳዓ ጨንጨቴላ ኤያቴሌ ኦሲቤን?

21 ሃ ሳዓ አሳይ ባንታ ጨንጨቴላን ያሳ ኤሮና ማላ ባ ጨንጨቴላን ዲጊዲ፣ ኤያቴላን ታይቤቴያ፣ ኮኒ ኦዲያ ቃላን አማኔይሳታ አሻናው ያሳ ሸኔ ጊዲስ። 22 አይሁዳቴ ማላታ ቤዓናው ኮዮሶና፤ ቃሲ ገሪኬቴ ጨንጨቴሌ ኮዮሶና። 23 ሺን ኮኒ ማስቃሊያ ቦላ ካቄቴዳ ኪሪሰቶሳ ሳባኮስ። ሄሲ አይሁዳታስ ቆቤ፤ ቃሲ ገሪኬታስ ኤያቴሌ። 24 ሺን ያሳይ ፃጊዳይሳታስ፣ አይሁዳ ጊዲን፣ ገሪኬ ጊዲን ኪሪሰቶሲ ያሳ ዋልቃኔ ኢያ ጨንጨቴላ። 25 ያሳ ኤያቴላይ አሳ ጨንጨቴላፊ አዴስ፤ ቃሲ ያሳ ዳቡራይ አሳ ሚኖቴላፊ ሚኔስ።

26 ሂዛ፣ ታ ኢሻቶ፣ ያሳይ ሂንቴና ፃጊያ ዋዴ ሂንቴ አይ ማላ አሴኮ ቆፒቴ። አሳ ቆፋን ሂንቴ ጊዲን ጨንጨቴ፣ ዋልቃማቴኔ ቶቃ ዛሬቴ ዶኮና። 27 ሺን ያሳይ ጨንጨታ ዩላያናው አላሜን ዳዒያ ኤያታ ዶሪስ፤ ቃሲ ሚኖታ ዩላያናው አላሜን ዳዒያ ዳቡራንቸታ ዶሪስ። 28 ያሳይ ሃ አላሜን ጌታ ጌቴቴዳባ ቆይሳናው፣ ሃ ሳዓ ካዉሻባ፣ ካዴቴዳባኔ ፓሶናባ ዶሪስ። 29 ኦኒካ ያሳ ሲንላን ጨቄቶና ማላ ሄሳ ኦሌስ። 30 ሺን ያሳይ ሂንቴው ኪሪሰቶስ ዩሱሳራ ኢሲፊቴሌ ዳና ማላ ኦሌስ። ኢ ኮስ ያሳፊ ጨንጨቴሌ፣ ጂሎቴሌ፣ ጌሻቴሌኔ አቶቴሌ ጊዲስ። 31 ሄሳ ጊሾ፣ ጌሻ ማፃፋን፣ «ጨቄቴያ ኦኒካ ጎዳን ጨቆ» ያጌስ።

2

ኪሪሰቶሳ ካቄቴላ

1 ታ ኢሻቶ፣ ታኒ ኮይሮ ያሳ ቃላ ሂንቴው ኦዲሾ ዩዳ ዋዴ ዶና ቢላቴላኒኔ ጨንጨቴላን ያቢኬ። 2 ታኒ ሂንቴራ ዳዒያ ዋዴ ማስቃሊያ ቦላ ካቄቴዳ ዩሱስ ኪሪሰቶሳቴ ኦቲን ሃራባ ኤራናው ኮዩኬ ጋዳ ታ ቆፋ ቃቻስ። 3 ታ ሂንቴራ ዳዒያ ዋዴ ዳቡራን፣ ያሻኒኔ ዳሮ ኮኮርሳን ዳዒስ። 4 ታ ኪታይኔ ታ ቴሚርቴይ ዶና ቢላቴላኒኔ ጨንጨቴላን ጊዲናሺን ጌሻ ኢያና ዋልቃ ቆንጨሴላና። 5 ሄሲካ፣ ሂንቴ አማኖይ ያሳ ዋልቃናፔ ኦቲን አሳ ጨንጨቴላን ዜምፖና ማላሳ።

1:19 ኢሳ 29:14 1:20 ኢዮ 12:17፤ ኢሳ 19:12፤ 33:18፤ 44:25 1:31 ኤር 9:24 2:3 ሃ.ኦ 18:9

ፆሳ ጨንጨቴላ

6 ኣያና ዴፆን ዲጨ ዳይሳታስ ኑኒ ጨንጨቴላ ቃላን ኦዶስ። ሺን ሄ ጨንጨቴላይ፡ ሃ ሳዓ ጨንጨቴላ ዎይኮ ጳያናው ዴዲያ ሃ ሳዓ ሃሬይሳታ ጨንጨቴላ ጊዳና። 7 ሺን ኑኒ ኦዲያ ጨንጨቴላይ፡ ዳሮ ዎዴፔ ሲንጼ ፆሳይ ኑ ሲንቹዎስ ገጊሲ ዳይሳኔ ጌሚዲ ዴዲያ ፀራ ጨንጨቴላ። 8 ሃ ሳዓ ሃሬይሳታፔ ኦኒካ ሃ ጨንጨቴላ ኤሪቤና። ኤንቲ ኤሪዳባ ጊዲያኮ፡ ሲንቹ ሳዳ ማሰቃሊያ ቦላ ካቆኮና። 9 ሺን ጌሻ ማፃፋን፡

«ኣይፌይ ቤዒቦናባ፡
ሃይላ ሰዒቦናባ፡
ዎዛኒ ቆፒቦናባ፡

ፆሳይ ባና ሰቄይሳታስ ገጊሲስ» ያገሱ።

10 ፆሳይ ባ ፀራ ባ ኣያና ባጋራ ኑስ ቆንጨሲስ። ጌሻ ኣያናይ ሃሪ ኣቶሺን ጌሚዳ ፆሳ ፀራ ኡባ ፒልጌስ። 11 ኣሳን ዴዲያ ኣሳ ኣያናፔ ኣቲን ኣሳባ ኦኒካ ኤሪና። ሃሳዳካ፡ ፆሳባ ፆሳ ኣያናፔ ኣቲን ኦኒካ ኤሪና። 12 ፆሳይ ኑስ ጮ ኣሚዳባ ኑ ኤራና ሜላ ፆሳ ኣያና ኤኪዳፔ ኣቲን ሃ ሳዓ ኣያና ኤኪቦኮ።

13 ኑኒ ኣያናባ፡ ኣያና ኣሳታስ ኣሳ ጨንጨቴላን ገደናሺን ፆሳ ኣያናይ ኣሚያ ጨንጨቴላን ታማርሶስ። 14 ሺን ጌሻ ኣያናይ ባይና ኣሲ ፆሳ ኣያና ኣሞታታ ኤኬና። ሄሲ ኢያው ኤያቴላ፤ ኡባይ ጌሻ ኣያናን ፒልጌቴያ ጊሾ ኢ ኤራናው ዳንዳዔና። 15 ሺን ጌሻ ኣያኒ ዴዲያ ኣሲ ኡባባ ፒልጌስ፡ ሺን ኢያ ኦኒካ ፒልጌና። 16 ጌሻ ማፃፋን፡

«ሳዳ ዎዛና ኤሪይ ኦኒ?
ኢያ ዘራናው ዳንዳዔይ ኦኒ?»

ጌቴቲዲ ፃፌቲዳይሳ ሜላ። ሺን ኑስ ኪሪሰቶሳ ዎዛኒ ዴዔስ።

3

ፆሳ ኣሳንቸታ

1 ታ ኣሻቶ፡ ሂንቴ ኪሪሰቶሳን ቡሮ ዮጋኔ ኣማኖና ኣሳሉ ዴዲያ ጊሾ ታኒ ኣያናባ ሂንቴው ኦዳናው ዳንዳዒቤኤ። 2 ሂንቴ ሚኖ ካላ ማናው ዳንዳዒቦና ጊሾ ታኒ ሂንቴና ማላ ፓሃስ፤ ሃዒካ ዳንዳዒቤኤታ። 3 ሃዒካ ሂንቴ ኣማኖና ኣሳዳ ዴዔታ። ሂንቴ ገደን ዴዲያ ቃናቴይኔ ፓላማይ ሂንቴ ኣማኖና ኣሳዳ ዴዔይሳ ኤሪሴኔ? ሂንቴ ኣማኖና ኣሳዳ ሃኔታ። 4 ሂንቴፌ ኢሶይ፡ «ታኒ

2:9 ኢሳ 64:4 2:16 ኢሳ 40:13 3:2 ኢብ 5:12-13

ጳውሎስን» ሃራይ ቃሉ፤ «ታኒ አጲሎሳሳ» ጊኮ፣ አማኖና አሳ ማላ ጊዳኬቲ?

5 ያቲን፣ አጲሎሲ ኦኔ? ጳውሎሲ ኦኔ? ኮኒ ሂንቴና አማንሉዳ ያሳ ኦሳንቸታ። ያሳይ ኢሱዋስ ኢሱዋስ አሚዳ ኦሱዋ ማላ ኦሉያ ኦሳንቸታ ጊዳኮናዬ? 6 ታ ቶካሰ፤ አጲሎሲ ሃሌ ኡሺሰ፣ ሺን ዲቹይ ያሳ። 7 ሃሳ ጊሾ፣ ዲቹዳ ያሳፊ አቲን ቶኬይካ ሃሌ ኡሺይካ አይኮካ ጊዳና። 8 ቶኬይኔ ሃሌ ኡሺይ ዋሊ ማላ፣ ሺን ኢሶይ ኢሶይ ባ ኦሱዋ ማላ ያሳይ አሚያ ዋይቱዋ ኤካና። 9 ኮኒ ኢሶፊ ያሳሰ ኦሉያ ኢያ ኦሳንቸታ ጊዳያ ጊሾ ሂንቴ ያሳ ሾቃ፤ ያሳ ኬሌ። 10 ያሳይ ታው አሚዳ አቶ ከሃቴላ ማላ ሂላንቸ አናጻዳ ባሱዋ ዩጋሰ። ሃራ ኡራይ ኢያ ቦላ ኬጻሰ። ሺን ኢያ ቦላ ኬጻያ ኦኒካ ዋቲዲ ኬጻያኮ፣ ባው ናጌቶ። 11 ኢሲ ቶሆ ዩጌቲዳ ባሱዋ፤ ሃራ ባሶ ዩጋኖው ኦኒካ ዳንዳዔና። ሄ ባሶይካ ዩሱሰ ከሪሰቶሳ። 12 ሺን ሃ ባሱዋ ቦላ ኦኒካ ዋርቃን ዋይኮ ቢራን ጊዳን፣ አለያ ሹቻን ዋይኮ ማላን ጊዳን፣ ማታን ዋይኮ ማቃን ኬጻኮ፣ 13 ኢሲ ኢሲ አሲ ሄ ባሱዋ ቦላ አይቢን ኬጻዳኮ ፒርዳ ጋላሰ ታማን ፓጩቲዲ ቆንጫና። 14 ኦኒካ ሄ ባሱዋ ቦላ ኬጻዳ ኬላይ ታማን ፀጌቶና አቲኮ፣ ባ ዋይቱዋ ኤካና። 15 ሺን ኦዴ ኦሶይካ ታማን ፀጌቲኮ፣ ሄ ኡራሰ ዋይቶይ ባዋ። ጊዳሺን፣ ኢ ባ ሁዔን ታማ፤ ኬሲ ኤኪዳ አሳዳ አታና።

16 ሂንቴ ያሳ ኬሌ ጊዳይሳኔ ያሳ አያናይ ሂንቴናን ዳዔይሳ ኤሬኬቲ? 17 ኦኒካ ያሳ ኬሌ ላሊኮ፣ ያሳይካ ኢያ ላላና። ያሳ ኬላይ ጌሺ፤ ሄ ኬላይካ ሂንቴና።

18 ኦኒካ ባና ጨዋ። ሃ ሳዓ ጨንጫቴላን ባና ጨንጫ ኦሉዲ ኤኪያ ኦኒካ ያሳ ሲንላን ጨንጫ ጊዳናው ኤያ ጊዳ። 19 ሃ ሳዓ ጨንጫቴላይ ያሳ ሲንላን ኤያቴሌ። ጌሻ ማፃፋን፣ «ያሳይ ጨንጫታ ኤንታ ጌኔ ቆፋን ኦይኬሰ» ያጌሰ።

20 ቃሉ፣ «ጨንጫታ ቆፋይ ማደናባ ጊዳይሳ ጎዳይ ኤሬሰ» ያጌሰ።

21 ሃሳ ጊሾ፣ ኡባይ ሂንቴሳ ጊዳያ ጊሾ ኦኒካ አሳን ጩቁቶ። 22 ጳውሎስ፣ አጲሎሲኔ ጳዒርሲ፣ ሃ አላሚይ፣ ዳያይ፣ ሃይቆይ፣ ሃዒ ዳዔይ፣ ሲንላፊ ያናይሲ፣ ኡባይ ሂንቴሳ። 23 ሂንቴ ከሪሰቶሳሳ፤ ከሪሰቶሲ ያሳሳ።

3:4 1ቆር 1:12 3:6 ሃ.ኦ 18:4-11፣ 24-28 3:16 1ቆር 6:19፤ 2ቆር 6:16 3:19 እዮ 5:13 3:20 ማዘ 94:11

4

ኪሪሰቶሳ ሃዋሬታ

1 እሳይ ኑና ኪሪሰቶሳ አይሌዳኔ የሳ ፀራ ቆንጨሳናው ሃዳሪ ኢሚቲዳ አሳዳ ኦሊዲ ቆፖ። 2 ሄ ሃዳሪ ኤኪዳ እሳቲ ባንታ ጎዳሰ አማኔቲዳይሳታ ገዳናው ቤሴስ። 3 ሺን ሂንቴ ወይኮ ሃራይ ታና ፒርዲኮ፣ ታው አይኮካ ገዳና። ሃራይ አቶ፣ ታካ ታ ቦላ ፒርዲኮ። 4 ታ ካሃይ ጌሺ፣ ሺን ሄሲ ታ ፖሎ ደሎ ገዳይሳ ቤሴና። ታ ቦላ ፒርዳናይ ጎዳ ፃላላ። 5 ሄሳ ገሾ፣ ወዳይ ጋኮና፣ ጎዳይ ዮና ኦዴ ቦላካ ፒርዳፊቴ። ኢ ቋማን ገሚዳባ ፖፖ ኬሴና፤ አሳ ዋዛናን ቆሴቲዳ ቆፋ ቆንጨሳና። ሄ ወዳ ኢሶይ ኢሶይ የሳፊ ጋላታ ኤካና።

6 ታ ኢሾቶ፣ ሂንቴ ገሾ አጲሎሳኔ ታና ለሚሶ ኦሳዳ ሂንቴው ኦዳሰ። ሄሳ ታ ኦሊዲይ፣ «ፃፊቲዳይሳፊ አጶፋ» ያገያ ዘሪያ ሂንቴ ኑፔ ታማራና ማላሳ። ሄሳ ገሾ፣ ኦኒካ ኢሱዋ ሳቢዲ ሃንኩዋ ካቆናው ቤሴና። 7 ኔ ሃራታፔ አይቢን አቆይ? ኔኒ ኤካቦናባይ አይቢ ዳዒ? ያቲን፣ ኔኒ ኤኪዳባ ሃራ አሳፔ ኤኪዳ ገዲኮ፣ ኤኪቦና አሳዳ አይሰ ጨቁታይ?

8 ሃዒ ሂንቴ ካሊዳታ። ሃዒ ሂንቴ ዲሬቲዳታ። ኑኒ ባይና ሂንቴ ፃላላ ካዋቲዳታ። ሂንቴ ቱማ ካዋቲዳባ ገዲያኮ፣ ኑካ ሂንቴራ ካዋታናሺን። 9 የሳይ ኑና ሃዋሬታ፣ ሃይቆ ፒርዳቲዳ አሳዳ አሳ ኡባፊ ኑና ጉዬ ኦሊዲ ታው ዳኔስ። ኑኒ ሃ አላሚያሰ፣ ኪታንቸታሲኔ አሳሰ ካሳባ ገዲዳ።

10 ኑኒ ኪሪሰቶሳ ገሾ ኤያ ገዲዳ፣ ሺን ሂንቴ ኪሪሰቶሳን ጨንጫታ ገዲዳታ። ኑኒ ዳቡራንቸ፣ ሺን ሂንቴ ሚኖ ገዲዳታ። ሂንቴ ቦንቸቲዳታ፣ ሺን ኑኒ ቶሽቲዳ። 11 ሃዒ ጋካናው ኑ ኮሻቶሰ፣ ሳሞቶሰ፣ ካሎቶሰ፣ ዋዴቶሰ፤ ዳና ሶ ቆዩዲ ቶይላቶሰ። 12 ኑኒ ኑ ኩሽን ኦሊ አቆሰ። ኑና አሲ ባዲያ ወዳ አንጀሰ፤ ኑና ጎዲያ ወዳ ዳንደያሰ። 13 ኑ ቦላ ኢታባ ኦዴቲያ ወዳ ሎፖ ቃላ ዛርሰ። ኑ ሃዒ ጋካናው ሃ አላሚያ ፒቶኔ ወራ ዩጌቲያ ቡሬ ገዲዳ።

14 ታኒ ሄሳ ጎፊዳይ፣ ታ ሲቂያ ናይታዳ፣ ሂንቴና ዘራናው ፃፋሲፔ አቲን ዩላያናው ገዳና። 15 ኪሪሰቶሳን ሂንቴና ዲቺያ ታይቦፔ ቦላ ገዲዳ ካሌፊይሳቲ ዳዒኮካ፣ ሂንቴው ኢሲ አጫ ዳዒሰ። ታ ሂንቴና ኪሪሰቶሰ ዩሱሳ ዋንጌላን ዩላሰ። 16 ሂዛ፣ ሂንቴ ታና ለሚሶ ኦሊዲ ካላና ማላ ሂንቴና ዋሳይሰ። 17 ሄሳ ገሾ፣ አማኔቲዳ፣ ታ ሲቂያ፣ ጎዳን ታ ናዒ፣ ደሞቲዮሳ ሂንቴኮ ኪታሰ።

4:12 ሃ.ኦ 18:3 4:16 1ቆር 11:1፤ ፊል 3:17

ኢ ዲማ ዲማ ቤሳን ዳዒያ ዋሳ ኬላን ታ ታማርሲዳ፣ ኪሪሰቶሳ ዩሱሳን ዳዒያ ታ ኦጊያ ሂንቴና ሃሳዬሳና።

18 ታኒ ሂንቴኮ ጥናባ ዳኒን፣ ኦቶሪያ ኢሲ ኢሲ አሳቲ ዳዎሶና።

19 ሺን ጎዳይ ጊኮ፣ ማታ ዋዴ ታኒ ሂንቴኮ ባና። ሄ ዋዴ ኦቶራንቸታ

ኦዳ ፃላላ ጊደናሺን ኤንታ ዋልቃካ ኤራና። 20 ያሳ ካዎቴላይ ኦዳ

ጊደናሺን ዋልቃ። 21 ታኒ ሂንቴኮ ፃምዓራ ቦዬ ዋይኮ ሲቆራኔ

አሽኬ ኣያናራ ቦ? ኣዉሳ ዶሬቲ?

5

አማኒያ አሳ ጊደን ዳዒያ ዩላያ ኦሶ

1 ሂንቴ ጊደን ላይማቴሌ ዳዒይሲ ዚጊሬቴሰ። ሄሳ ማላ

ላይማቴሌ ሃሪ አቶሺን፣ አማኖና አሳይካ ኦሶኮና። ሂንቴ ጊደን

ባ አዋ ማቸራ ቱኒዳ አሲ ዳዒሰ። 2 ሄሳን ሂንቴ ቁርታናዉኔ

ዩላታናው ቤሴኔ፣ ሺን ኦቶርቲዳታ። ሄሳ ማላ ቦርሶባ ኦሌዳ

ኡራ ሂንቴ ጊደፌ ኬሳናው ቤሴኔ?

3 ታኒ አሾን ሂንቴራ ደና ኢዲኮካ ኣያናን ታ ሂንቴራ ዳዒይሰ።

ታኒ ሂንቴራ ዳዒያ አሳዳ ሃናዳ ሄሳ ማላ ኦሶጥ ኦሌዳ ኡራ ቦላ

ፒርዳሰ። 4 ኑ ጎዳ ዩሱሰ ኪሪሰቶሳ ሱንላን ሂንቴ ሺቂያ ዋዴ

ታኒ ኣያናን ሂንቴራ ዳና። ሄሳን ጎዳ ዩሱሰ ኪሪሰቶሳ ዋልቃይ

ሂንቴራ ጊደና። 5 ሄ ኡራ ናጋራ አሾይ * ቆዩዳ፣ ኢያ ኣያናይ ጎዳ

ዩሱሳ ፒርዳ ጋላሳን ኣታና ማላ ኢ ፃላሄሰ ኣጂ ኢማቶ።

6 ሂንቴ ጨቆይ ሎዎ ጊደና። ጉላ ኢርሾይ ሙኑቃ ኡባ

ዳንሌይሳ ኤሬኬቲዬ? 7 ሂንቴ ሃዒ ኢርሾይ ባይና ሙኑቃ ጊደና

ማላ፣ ናጋራ ኢርሹጥ ሂንቴፌ ኬሲቴ። ኦሰ ፓሲካ ዶርሳ ጊዲዳ

ኪሪሰቶሲ ያርሼቲሰ። 8 ሄሳ ጊሾ፣ ጌኔይኔ ኢታቴሌ ዳዒያ

ኢርሹጥራ ጊደናሺን ቱማቴሌኔ ጌሻቴሌ ዳዒያ ኡይላራ ኑ ባሊያ

ቦንቸሰ።

9 ታ ካሴ ፃፊዳ ዳብዳቢያን ሂንቴ ላይማቴያ አሳራ ጋሄቶና

ማላ ሂንቴው ኦዳሰ። 10 ሄሳ ጉሳይ ሃ ኣላሚያን ዳዒያ

ላይማቴይሳታራ ዋይኮ ኡዜታራ ዋይኮ ካይሶታራ ዋይኮ ኤቃ

ጎይኔይሳታራ ፖሎ ጋሄቶፊቴ ጉሱ ጊደና። ሄሳ ጊዲኮ፣ ሃ

ኣላሚያፔ ሂንቴ ኬያናው ቤሴሰ ሺን ኣቲሰ። 11 ሺን ኣማናይሰ

ያጊሼ ላይማቴይሳታራ ዋይኮ ኡዜታራ ዋይኮ ኤቃ ጎይኔይሳታራ

5:1 ዛሬ 22:30 * 5:5 ናጋራ ኣሾይ፣ ናጋራ ሚጶይ ዋይኮ ናጋራ ኣሳቴላይ።
5:6 ጋላ 5:9 5:7 ኬሳ 12:5 5:8 ኬሳ 13:7፤ ዛሬ 16:3

ዎይኮ ጫዬይሳታራ ዎይኮ ማሉቲይሳታራ ዎይኮ ካይሶታራ ጋሄቶፊቲ ጋዳ ሂንቲው ኦዳይሰ። ሄሳ ማላ አሳራ ሃሪ አቶሺን፣ ካሊካ ሞፒቲ።

12 ዎሳ ከላፌ ካሬራ ዴዔይሳታ ሶላ ፐርዳናው ታና አይቤ ጋላይ? ዎሳ ከላን ዴዔይሳታ ሶላ ሂንቲ ፐርዳኬቲዬ? 13 ሺን ካሬራ ዴዔይሳታ ሶላ ያሳይ ፐርዳና። ሄ ኢታባ ኦሊያ ኡራ ሂንቲ ጊዶፌ ከሲቲ።

6

አማኒያ አሳ ጊዶን ዴዔያ ሞቶ

1 ሂንቲ ጊዶፌ ኢሶይ ኢሱዋራ ሞቶይ ዴዔኮ፣ ሄሳ አማኒያ አሳ ሲንላን ፐርዳታናይሳ አጊዲ አማኖና አሳ ሲንላን ፐርዳታናው ዋኒዲ ቢ? 2 ጌሻቲ አላሚያ ሶላ ፐርዳናይሳ ሂንቲ ኤሬኬቲ? ያቲን፣ ሂንቲ አላሚያ ሶላ ፐርዲያባ ጊዲኮ፣ ሃይሳ ማላ ጉላባ ፐርዳናው ዋኒዲ ዳንዳዔኬቲ? 3 ኳ ከታንቾታ ሶላ ፐርዳናይሳ ኤሬኬቲ? ያቲን፣ ሃ ሳባ ዲሳባ ሶላ ፐርዳናይሲ ሂንቲና ዋኒዲ ያኒ? 4 ያቲን፣ ሄሳ ማላ ማቶይ ሂንቲ ጊዶን ማጴቲኮ፣ ዎሳ ከላ አይፊን ካጴቲዳ አሳ ሲንላን ፐርዳታናው ሞቲ ኤፊቲ? 5 ታኒ ሂንቲና ዬላያናው ሄሳ ጋይሰ። ሂንቲ ጊዶን ካጩቲዳ አሳታ ሲጌላናው ዳንዳዔያ አኬካ አሲ ባዌ? 6 ያቲን፣ ኢሲ አማኔይሲ ሃንኮ አማኔይሳ ፐርዳ ከላን አማኖና አሳ ሲንላን ሞታናው ቤሲ?

7 ሃዛ፣ ሂንቲ ኢሶይ ኢሱዋ ሞቲያባ ጊዲኮ ሄሲ ሂንቲ ኩንዴላ ቤሴሰ። ሄሳፌ ሂንቲ ቆሃቲኮኔ ጨማቲኮ ከሄኔ? 8 ሺን ሂንቲ ዎሊ ጊዶን አማኔይሳቲ ኢሶይ ኢሱዋ ቆሃታኔ ጨማታ።

9 ጌላቲ ያሳ ካዎቲላ ላቶናይሳ ሂንቲ ኤሬኬቲ? ሂንቲና ጨሞፊቲ፣ ላይማቲይሳቲ ዎይኮ ኤቃ ጎይኔይሳቲ ዎይኮ ቃይዔይሳቲ ዎይኮ አዴራ አዴራ ጋሄቲይሳቲ፣ 10 ዎይኮ ካይሶቲ ዎይኮ ኡዜቲ ዎይኮ ማሉቲይሳቲ ዎይኮ ጫዬይሳቲ ዎይኮ ሶንቄይሳቲ ያሳ ካዎቲላ ላቶኮና። 11 ሂንቲፌ ኢሲ ኢሲ አሳቲ ካሴ ሄሳ ማላ። ሺን ሂንቲ ሃሲ ጎዳ ዬሱሰ ከሪሰቶሳ ሱንላኒኔ ያሳ አያናን ማጩቲዳታ፣ ጌዪዳታ፣ ዒሊዳታ።

ሂንቲ አሳቲላን ያሳ ሶንቹቲ

12 ሂንቲ፣ «ኑ ኮዪዳባ ኦላናው ዳንዳዎሰ» ያጌታ። ሺን ኡባይ ሂንቲና ማዴና። ታኒ ኮዪዳባ ኡባ ኦላናው ዳንዳዎይሰ፣ ሺን አይቢካ ታና ሃሪና። 13 ሂንቲ፣ «ካሊ ኡሎሳ፣ ኡሎይካ ካላሳ»

ያጌታ። ሺን ያሳይ ኡሉዋካ ካላካ ቆይሳናይሳ ታ ሂንቴው ኦዲይሰ። ኑ አሳቴላይ ጎዳሳፌ ኣቲን ላይማቴላሳ ጊዳና። ጎዳይካ ኑ አሳቴላሳ። 14 ያሳይ ጎዳ ሃይቆፔ ዴንሴዲይሳዳ፣ ኑናካ ሃይቆፔ ባ ዎልቃን ዴንሳና።

15 ሂንቴ አሳቴላይ ኪሪሰቶሳ አሳቴላፌ ባጋ ጊዳይሳ ኤሬኬቴ? ያቴን፣ ታኒ ኪሪሰቶሳ አሳቴላፌ ባጋ ኤፋዳ ላይማቴላ አሳቴላ ጊዳና ማላ ኦሎ? ሃኔና! 16 ላይማቴያ ኡራይ ኢ ጋሂቴያ አሴራ ኢሲ አሳቴላ ጊዳይሳ ኤሬኬቴ? ጌሻ ማፃፋን፣ «ኤንቴ ናምዓይ ኢሲ አሳቴላ ጊዳና» ጌቴቴዲ ፃፊቴሰ። 17 ሺን ጎዳራ ኢሲፊያ ኡራይ ኢያራ አያናን ኢሶ ጊዳሰ።

18 ላይማቴላፌ ሃኪቴ። ኢሲ ኡራይ ኦሊያ ሃራ ናጋራይ ኢያ አሳቴላፌ ካሬራ ኦሴቴሰ፣ ሺን ላይማቴያ አሲ ባ አሳቴላ ቦላ ናጋራ ኦሎሰ። 19 ሂንቴ አሳቴላይ ያሳይ ሂንቴው ኢሚዳ ሂንቴናን ዴዒያ ጌሻ አያና ኬላ ጊዳይሳ ኤሬኬቴ? ሂንቴ ሂንቴባ ጊዳኬታ። 20 ያሳይ ሂንቴና ጋቴን ሻሚሰ። ሄሳ ጊሾ፣ ሂንቴ አሳቴላን ያሳ ቦንቺቴ።

7

ኤኮ ጌሎባ

1 ሂንቴ ታው ፃፊዳ ዳብዳቢያሰ ዛርይ ሃይሳ። ኢሲ አሲ ማቸና ዴዒኮ ሎዎ? 2 ሺን ላይማቴላፌ አታናው ኢሲ ኢሲ አዴይ ማቸ ኤኮ፣ ቃሲ ኢሲ ኢሲ ማጫሳሰ ኣዚኒ ዴዎ።

3 ኣዚናይ ባ ማቸሰ፣ ቃሲ ማቸያ ባ ኣዚናሰ ቤሲያባ ኩንሉ።

4 ማቸሰ ባ አሳቴላ ቦላ ኢው ማቸ ባዎ፣ ሺን ማታይ ኢ ኣዚናሳ።

5 ሄሳዳካ፣ ኣዚናሰ ኢያ አሳቴላ ቦላ ማቸ ባዎ፣ ሺን ማታይ ማቸሳ።

6 ሂንቴ ዎሳን ጉላ ዎዴ ጋምዓናው ዘሬቴላን ጊዳና ኢጂኮ፣ ኢሶይ ኢሱዎ ዲጎፊቴ። ሄሳ ጋሶን ሂንቴናቴላ ሃራናው ያኔቴን፣ ፃላሄይ ሂንቴና ፓጮና ማላ ኢሲፌ ዴዒቴ።

7 ሺን ታኒ ሂንቴና ዘራናው ሃይሳ ጋይሲፔ ኣቲን ኪታ ጊዳና።

8 ኣሲ ኡባይ ታዳ ማቸ ኤኮና ዴዒያኮ ደሳይሰ፣ ሺን ያሳይ ኢሱዎሰ ኢሱዎሰ ኢሚዳ ዴማ ኢሞቲ ዴዒሰ። ኢሱዎሰ ሃይሳ ማላ ሃንኩዎሰ ሄሳ ማላ ኢሞቲ ዴዒሰ።

9 ማቸ ኤኪቦናይሳታሲኔ ኣዚና ጌሊቦናይሳታሰ ቃሲ ኣምዔታሰ ታኒ ጌይ፣ ታዳ ኤኮና ዎይኮ ጌሎና ዴዒቴ ጋዳ ዘራይሰ።

10 ሺን

አምን ጠገቱይሳፌ ኤኬይሰኔ ጌሌይሰ ሎዎ ጊዲያ ገሾ ኤንቲ ባንታና ሃራናው ዲንዳዎና ኢዲኮ፡ ኤኮኔ ጌሎ።

10 ታኒ ኤከዲይሳታኔ ጌሊዲይሳታ ሃይሳዳ ጋዳ ዘራይሰ፤ ታና ጊዲኬ ጎዳይ ከቲሰ፤ ማቺያ ባ አዚናፔ ሻኬቶፎ። 11 ሺን ሻኬቲኮ ሃራ አዚና ጌሎና ባርካ ዴዎ ዎይኮ ባ አዚናራ ገሳ። አዚናይ ባ ማቺው ቢሎፎ።

12 ሺን ሃራታሰ ጎዳ ገደናሺን ታኒ ሃይሳዳ ጋይሰ። አማናና ማቻ ዴዲያ አማኒያ አዚኒ ዴዲኮ፡ ኢያ ማቺያ ኢያራ ኢሲፌ ዳናው ኮይኮ ኢዮ ቢሎፎ። 13 ቃሲ አማናና አዚኒ ዴዲያ አማኒያ ማቻ ዴዲኮ፡ ኢ አዚናይ ኢራ ኢሲፌ ዳናው ኮይኮ ኢያፔ ቢሎቶፎ።

14 አማናና አዚናይ ባ አማኒያ ማቺ ባጋራ ጌዬሰ፤ ቃሲ አማናና ማቺያ ባ አማኒያ አዚና ባጋራ ጌያዉሰ። ሄሲ ባይኔኮ፡ ሂንቲ ናይቲ ቱና ገደሶና፡ ሺን ሃዲ ኤንቲ ጌሺ። 15 ሺን አማናና አዚናይ ዎይኮ ማቺያ ቢላናው ኮይኮ ቢሎ። አማኒያ ማቺያ ዎይኮ አዚናይ ሄሳ ሜላባን ቃሺቶኮና። ያሳይ ኑና ሳሮቲላን ዳና ሜላ ያገሰ።

16 አማኒያ ማቺቲ፡ ኔኒ አማናና ኔ አዚና አሻኔኮ አይ ኤራይ? ዎይኮ አማኒያ አዚናው፡ ኔኒ አማናና ኔ ማቺው አሻኔኮ አይ ኤራይ?

ያሳይ ሂንቲና ያገደይሳዳ ዴዲቲ

17 ኢሲ ኢሲ አሲ ጎዳይ ኢያው ኢሚዳ ኢሞታዳኔ ያሳይ ኢያ ያገደይሳዳ ዴዎ። ዎሳ ኬላ ኡባን ታኒ ታማርሲዳ ዎጋይ ሃይሳ።

18 ኢኒካ ቃፃሬቲዲ አማኒዳባ ገዲኮ፡ ቃፃሬቶናዳ ሃናፖ። ቃፃሬቶና አማኒዳ ኢኒካ ዴዲኮ፡ ቃፃሬታናው ኮዮፖ። 19 ያሳ ከታ ፖላናው ቤሴሰፔ ኣቲን ቃፃሬቲን ቃፃሬቶና ኣገን አይኮካ ማዴና።

20 ኢሲ ኢሲ አሲ ያሳይ ባና ያገያ ዎዴ ዴዴይሳዳ ዴዎ። 21 ያሳይ ኔና ያገያ ዎዴ ኔኒ አይሌ? አይኮይ ባዎ ሄሳሰ ኡንዴቶፋ። ሺን ኔኒ አይሌቲላፌ ላዓ ኬያናው ዳንዳዒኮ ዬዳ ኬያ።

22 አይሌ ገዲ ዴዲሺ ጎዳን ያጌቲዳ አሲ ጎዳን አይሌቲላፌ ላዓ ኬዩሰ። ሄሳዳካ፡ አይሌ ገደና ዴዲሺ፡ ጎዳን ያጌቲዳ አሲ ከሪሰቶሳ አይሌ። 23 ያሳይ ሂንቲና ጋቲን ሻሚዳ ገሾ አሳ አይሌ ገደፔቲ።

24 ታ አሻቶ፡ ሂንቲ ኢሶይ ኢሶይ ያጌቲያ ዎዴ ዴዲያ ዴዑዎን ያሳራ ኢሲፌ ዴዲቲ።

ኤኪቦና፡ ጌሊቦና ኣሳባኔ አምዴታባ

25 ጌላዎታባ ጎዳይ ታና ከቲዳባይ ባዋ። ሺን ጎዳይ ታው ኢሚዳ ማሮቴፋ ማላ ታኒ ሂንቴና ዞራይስ። 26 ሂዛ፣ ሃዒ ማቴዎ ጊሾ ኤኮና ዎይኮ ጌሎና ዱሲ ታው ሎዎ ዳኔስ። 27 ኔ ማቾ ኤኪዳባ ጊዲኮ፣ ቢላናው ኮዮፓ። ኔ ማቾ ኤካቦናባ ጊዲኮ፣ ኤካናው ኮዮፓ። 28 ሺን ኔ ማቾ ኤኪኮ ናጋሪ ባዋ። ሂሳዳ ጌላዒያካ አዚና ጌሊኮ ናጋሪ ባዋ። ሺን ኤኪያ ጌሊያ አሳስ ሃ ሳባን ዳሮ ማቶይ ዴዒያ ጊሾ ሂንቴ ሃሳፌ አታና ማላ ታ ኮያይስ።

29 ታ አሻቶ፣ ታ ጌይ ሃሳ፤ ዎዴይ ወሪስ። ሂዛፔ ሲንፉ ማቻ ዴዒይሲ ማቾ ኤኮናይሳዳ ዴዎ። 30 ዩኤይሳቲ ዩኮናዳ፣ ኡፋይቴይሳቲ ኡፋይቶናዳ፣ ቫሚይሳቲ አይኮይካ ባይናዳ ባንታና ታይቦ። 31 ሃ ሳባ ቫሎዋን ማዴቴይሳቲ ማዴቲቦናዳ ሃና። ሃ አላሚያ ማላይ አፋና።

32 ሂንቴ ሂርጊ ባይና ዳና ማላ ታ ደሳይስ። ማቾ ኤኪቦናይሲ ጎዳ ኡፋይሳናው ኮያ ጊሾ ጎዳባ ቆፔስ። 33 ሺን ማቾ ኤኪዳይሲ ባ ማቾው ኡፋይሳናው ኮያ ጊሾ ሃ ሳባባ ቆፔስ። 34 ኢያ ቆፋይ ናምባን ቫኬቴስ። አዚና ጌላቦና ጌላዒያ ባ አሳቲላኒኔ ባ ሽምዎዋን ጌያዳ ጎዳ ኡፋይሳናው ኮያ ጊሾ ጎዳባ ቆፓዉሱ። ሺን አዚና ጌሊዳራ ባ አዚና ኡፋይሳናው ኮያ ጊሾ ሳባባ ቆፓዉሱ።

35 ታኒ ሃሳ ሂንቴው ኦዴይ፣ ሂንቴ ማዴታና ማላሳፌ አቲን ሂንቴና ኡንዔላናው ጊዴና። ሺን ሂንቴ ቆፋይ ቫኬቶና ማራን ዴዒዲ ጎዳ ኡፋይሲያባ ሂንቴ ኦላና ማላ ታኒ ኦዳይስ።

36 ኦኒካ ባ ኦይቹዳ ጌላዒስ ጌሎ ዎዴይ አጲስ ጊዲ ኢዮ አጋናው ቆፒኮ፣ ሃሲ ቃሲ ኢው ሎዎ ጊደናይሲ ኢያው ሲዔቲኮ፣ ባ ኮዩዳይሳ አላ፤ ኤንቲ ኤኬቶ፣ ጌሌቶ፤ ሃሳን ናጋሪ ባዋ። 37 ሺን ኢሲ አሲ ኡንዔሊያባይ ቆዩን፣ ባ ዎዛናን ሚኒዲ፣ ባና ሃሪዲ፣ ባ ኦይቹዳ ጌላዒው ኤኮና አጋናው ኮይኮ ሎይሊስ። 38 ሃሳ ጊሾ፣ ጌላዒው ኤኪያ ኡራይ ሎይሊስ፤ ቃሲ ኤኮና ኡራይ ዳሮ ሎይሊስ።

39 ማቹያ ባ አዚናይ ፓፃ ዴዒያ ዎዴ ኡባን ኢያራ ቃሼታሱ። ሺን ኢ አዚናይ ሃይቂኮ፣ ባ ደሲዳ አዚና ጌላናው ዳንዳባዉሱ። ጊደሺን፣ ኢያ ጌሊያ አዴይ አማኒያ አሲ ጊዳናው ቤሴስ። 40 ታ ቆፋን ጊዲኮ፣ ኢያ ጌሎና ዴዒኮ ኡፋይሳን ዳና። ቃሲ ታው፣ ታ ቦላ ዎሳ አያኒ ዴዒያ ዳኔስ።

8

ኤቃስ ያርሼቲዳ ካፋባ

1 ኤቃስ ያርሼቲያ ካፋባ ገዲኮ ኑ ኡባይ ኤርሰ። ኤራቴሌ ኦቶርሴሰ፣ ሺን ሲቆይ ዲቺሰ። 2 ኦኒካ ባና ኤራይሰ ገዲ ቆፐኮ፣ ኢ ቡሮ ኤራናው ቤሴይሳ ኤሪቤና። 3 ሺን ኦኒካ ያሳ ሲቂኮ ኢ ያሳ ማታን ኤራቲዳይሳ።

4 ሃሳ ገሾ፣ ኤቃስ ያርሼቲዳ ካሌ ሙሳባ ገዲኮ ሃ አላሚያን ጎዲ ኢሲ ያሳፌ አቲን ሃሪ ባይና ገሾ ኤቁ ፓላናባ ገዲይሳ ኦኒ ኤርሰ። 5 ያሴ ገደናሺን ሳሎኒኔ ሳዓን ያሴ ጌቲቲ ያጌቲያ ዳሮ ያሳቲኔ ጎዳቲ ዳዒኮካ፣ 6 ኡባባ ሜቂዳ፣ ኑ ኢያባ ገዲዳ፣ ኢሲ ያሳይ፣ አዋይ፣ ኑሰ ዳዔሰ። ኡባይ ኢያ ባጋራ ሜቂቲዳ፣ ኑካ ኢያ ባጋራ ዳዎ ዳሚዳ ኢሲ ጎዳይ፣ ዬሱሰ ኪሪሰቶሲ ኑሰ ዳዔሰ።

7 ሺን ሃይሳ ኤሬይ ኡባ ገዳና። ኢሲ ኢሲ አሳይ ኤቃ ጎይኖራ ሜዘቲዳ ገሾ ካሌ ሚያ ዋዴ ኤቃስ ያርሼቲዳባ ኦሌዲ ኤኮሶና። ሄ ዋዴ ኤጎታ ካሃይ ዳቡራ ገዲያ ገሾ ቱኔሰ። 8 ሺን ካሌ ኦና ያሳራ ዳቦዬና። ኑ ሞና አገዲ አይኮካ ቆሄቶኮ፤ ቃሲ ሚዲ ዲማ ጎዔቶኮ።

9 ሺን ሂንቴ ኮዪዳባ ማናው ላዓቲሌ ሂንቴው ዳዒኮካ ሄሲ አማኖን ሚኖናይሳታ ቆቦና ሜላ ናጌቲቲ። 10 ኦኒ ኔና ኤራንቶ ጋዳ ኤቃስ ያርሼቲዳ ካሌ ማናው ኤቃ ኩላን ኡቲዳሺን፣ አማኖን ሚኖናይሲ ኔና ቤዒኮ ሄሲ ኢያ ኤቃስ ያርሼቲዳ ካሌ ማና ሜላ ዳንሌሌኔዬ? 11 ሂዛ፣ ኔ ኤራቴላ ጋሶን ኪሪሰቶሲ ኢያ ገሾ ሃይቁዳ፣ አማኖን ሚኖና ኔ አሻይ፣ ቆይሰ። 12 ሄሳዳ ኦሌዲ፣ አማኖን ሚኖና ሂንቴ አሻታ ቆሂሼኔ ኤጎታ ካሃ ማዲንዲሲሼ ኪሪሰቶሳ ቆሄታ። 13 ሃሳ ገሾ፣ ካሌ ታ አሻ ቆቢያባ ገዲኮ፣ ኢ ቆቤቶና ሜላ አሾ ኡባራካ ሚኬ።

9

ሃዋሬታ ማታ

1 ታኒ ዬዳ ዳዒያ አሲ ገዲኪና? ታ ሃዋሬ ገዲኪና? ታኒ ኑ ጎዳ ዬሱሰ ኪሪሰቶሳ ቤዓቢኪና? ሂንቴ ጎዳን ታ ዳቡራ አይፌ ገዴኬቲ? 2 ሂንቴ ጎዳባ ገዲያ ገሾ ታ ሃራታሰ ሃዋሬ ገደና ኢዲኮካ፣ ሂንቴው ሃዋሬ ገዴይሳሰ ሂንቴ ማርካ።

3 ታና ሃዋሬ ገዴና ጌይሳታሰ ታ አሚያ ዛርይ ሃይሳ። 4 ኑ ሂንቴፌ ማናውኔ ኡያናው ቱማ ኑሰ ማቲ ባቁ? 5 ሃንኮ ሃዋሬታዳ፣ ጎዳ አሻታዳኔ ጳጳርሳዳ፣ አማኒያ ኑ ማቼታ ኤኪ ሃሙታናው ኑሰ

ማቲ ባዌ? 6 ዋይኮ ኦሊዲ ማናው ቤሴይ ታራኔ ባርናባሳ ሃላሌ? 7 ባ ሚሽን ዋታዳሬታሊ ኦሌይ ኦኔ? ዋይኮ ዋይኔ ቶኪዲ፣ ኢያፔ ኣይፌ ሞናይ ኦኔ? ዋይኮ ዉዴ ሄሚሼ፣ ሄ ዉዲያፔ ማሊ ኡዮናይ ኦኔ?

8 ታኒ ሄሳ ኣሳ ቆፋሉ ጋይናዬ? ሂጌይ ሄሳ ጌኔ? 9 ሙሴ ሂጊያን፣ «ዉዲማን ካሳ ዬዲያ ቦራ ደና ቃቸፋ» ጌቲቲዲ ሃፊቲሰ። ያቲን ያሳይ ሄሳ ቦራሰ ቆፒዲ ጊዴ? 10 ያሳይ ሄሳ ጊዳይ ኮሰ ቆፒዲ ጊዴኔ? ኤ ኦ ጊሾሳ። ጎዬይሲካ፣ ካሳ ጌሼይሲካ ባና ጋኬይሳ ኤካና ጊዲ ኡፋይሳን ኦላናው ቤሴሰ ጌቲቲዲ ቱማ ኦ ጊሾ ሃፊቲሰ። 11 ኦኒ ሂንቴ ጊደን ኣያና ዘሬሊ ዘሬዳ ጊዲኮ ኣሾሰ ኮሺያባ ኦ ሂንቴፊ ኤኪኮ፣ ሄሲ ጊታባዬ? 12 ሃራቲ ሄሳ ሂንቴፊ ኤካናው ኤንታው ማቲ ዴዒኮ፣ ኮሰ ኤንታይሳፊ ኣዲያ ማቲ ዴዒሰ።

ሺን ኦኒ ኪሪሰቶሳ ዋንጌላሰ ዱቤ ጊደና ማላ፣ ኡባ ጌንጮሲፔ ኣቲን ሄ ማታን ጎዔቲቦኮ። 13 ያሳ ኬላን ኦሊያ ኣሳቲ ባንታ ካሳ ያሳ ኬላፊ ኤኬይሳ ኤሬኬቲ? ቃሲ ያርሾ ቤሳን ኦሊይሳቲ ያርሹዋፊ ኤኬይሳ ኤሬኬቲ? 14 ሄሳዳካ፣ ዋንጌላ ማርካቴይሳቲ ዲሳሰ ኮሺያባ ዋንጌላፔ ኤካና ማላ ጎዳይ ኪቲሰ።

15 ሺን ታኒ ሃ ማታ ኡባን ኣይኮካ ጎዔታቢኬ። ታኒ ሃይሳ ሃፊዳይ ታ ማታ ቦንቸሳናው ኮያዳ ጊዴና። ኦኒካ ታ ጩቁዋ ሃዳ ኦላናፔ ሃይቆይ ታው ሎዖ። 16 ታኒ ዋንጌላ ኦዴይ ኪቲቲዳ ጊሾሳፊ ኣቲን ታና ጩቁሲያባ ጊዴና። ዋንጌላ ኦደና ኢዲኮ፣ ታና ኣዬ። 17 ታኒ ዋንጌላ ደሳዳ ሳባኪኮ ታው ዋይቶይ ዴዒሰ። ሺን ታኒ ዋንጌላ ደሶና ኪቲታዳ ሳባኪያባ ጊዲኮ ሄሳ ያሳይ ታው ሃዳራ ኢሚሰ። 18 ያቲን፣ ታ ዋይቶይ ኣይቤ? ታኒ ዋንጌላ ሳባኪያ ዋዴ ታ ማታን ጎዔቶና ዋንጌላ ጮ ሳባኬይሲ ታው ዋይቶ።

19 ታኒ ኦዴሰካ ኣይሌ ጊዲኬ፣ ሺን ዳርታ ኣሻናው ኡባሰ ኣይሌ ጊዳሰ። 20 ታኒ ኣይሁዴታ ኣሻናው ኤንታራ ኤንታ ጊዳሰ። ታ ሁዔን ሂጌፊ ጋርሳን ዴዒኬ፣ ሺን ሂጌፊ ጋርሳን ዴዒይሳታ ኣሻናው ሂጌፊ ጋርሳን ዴዒያ ኣሲ ጊዳሰ። 21 ያሳ ሂጊያፊ ካሬ ኬዮና፣ ኪሪሰቶሳ ሂጊያሰ ኪቲታሼ፣ ሂጌይ ባይናይሳታ ኣሻናው ሂጌይ ባይና ኣሳዳ ጊዳሰ። 22 ታኒ ዳቡራንቸታ ኣሻናው ዳቡራንቸ

9:9 ዛሬ 25:4፤ 19ዋ 5:18 9:11 ሮሜ 15:27 9:14 ማቶ 10:10፤ ሉቃ 10:7

ጊዳስ። ታኒ ጉዳታ አሻናው ኡባራ ኡባ ሃናስ። 23 ታኒ ዋንጌላ አንጂዋ ሻኬታናው፣ ሃ ኡባ ዋንጌላ ጊሾ ሃናስ።

24 ዋላን ጋዴቲያ ኡባይ ዋዳስ። ሺን ኢሱዋ ዓላሊ ዋይቶ ኤኬይሳ ኤሬኬቲ? ሄሳዳ ሂንቴካ ዋይቱዋ ኤካናው ዋዳቲ። 25 ጋዴቲያ አሳ ኡባይ ኡባባን ባንታና ሃሬስ። ኤንቲ ሄሳ ዳቡሬይ ዳያ ካላቻ ዋይቶ ኤካናሳ። ሺን ኑኒ ዳቡሬይ ሜሬና ካላቻ ዋይቱዋ ኤካናሳ። 26 ሄሳ ጊሾ፣ ታኒ ቆሬ ባይና አሳዳ ዋዳኬ። ጫርኮ ዩምፒያ አሳዳ ጮ ኩሼ ዩዲኬ። 27 ሺን ታኒ ሃራታስ ዋንጌላ ሳባኪዳፔ ጉዬ ታ ሁዔን ዩጌቲዳ አሲ ጊደና ሜላ ታ አሳቴላ ዋልቃን ሃራዳ ታው ከቴታና ሜላ አሳይስ።

10

ኤቃ ጎይናፊቲ

1 ታ ኢሻቶ፣ ታኒ ሂንቴ ሃይሳ አኬካና ሜላ ኮያይስ። ኑ አዋቲ ኡባይ ሻራፔ ጋርሳራ ሃሙቲደሶና፤ ኡባይ አባ ፒኒደሶና።

2 ኤንቲ ሙሴራ ኢሲፋናው ሻራኒኔ አባን ግማቄቲደሶና። 3 ኤንቲ ኡባይ ኢሲ አያና ካላ ሚደሶና። 4 ቃሲ ኡባይ ኢሲ አያና ኡሻ ኡዪደሶና። ኤንቲ ባንታና ካሊያ አያና ዛላፌ ፑልቲዳ ኡሻ ኡዪደሶና፤ ሄ ዛላይካ ኪሪስቶሳ። 5 ሺን ያሳይ ኤንታፌ ዳርታን ኡፋይቲሶና ጊሾ ኤንታ አሃይ ባዞ ቢታን ዋዲዲ አቲስ።

6 ኤንቲ ኢታባ አሞቲዳይሳዳ፣ ኑካ ኢታባ አሞቶና ሜላ ሄሲ ኡባይ ኑስ ለሚሶ ጊዲስ። 7 ጌሻ ማፃፋን፣ «አሳይ ማናውኔ ኡያናው ኡቲደሶና፤ ቃሲ ዩፃናው ዴንዲደሶና» ጌቲቲዳይሳዳ ኤንታፌ ኢሶቲ ኢሶቲ ኤቃ ጎይኒዳይሳ ሜላ ሂንቴ ኤቃ ጎይናፊቲ።

8 ኤንታፌ ኢሶቲ ኢሶቲ ላይማቲዳይሳዳ ኑ ላይማታናው ቤሴና። ሄሳ ጋሶን ኤንታፌ ኢሲ ጋላስ ላታማኔ ሄሹ ሙኩሉ አሲ ሃይቂስ። 9 ኤንታፌ ኢሶቲ ኢሶቲ ጎዳ ፓጪዲ ሾሻን ዲኬቲዲ ሃይቂዳይሳዳ ኑ ጎዳ ፓጫናው ቤሴና። 10 ኤንታፌ ኢሶቲ ኢሶቲ ዙተሚዲ ሃይቆ ኤሂያ ኪታንቹዋን ዳዩዳይሳዳ ሂንቴካ ዙተሞፊቲ።

10:1 ኬሳ 13:21-22፤ 14:22-29 10:3 ኬሳ 16:35 10:4 ኬሳ 17:6፤ ታይ 20:11 10:5 ታይ 14:29-30 10:6 ታይ 11:4 10:7 ኬሳ 32:6
10:8 ታይ 25:1-18 10:9 ታይ 21:5-6 10:10 ታይ 16:41-49

11 ሃ ኤንታ ቦላ ጋኪዳ ኡባይ ኑ ናጌታና ማላ ኑስ ሌሚሶ ጊዲስ። ቃሲ ዋዴ ወርሴላ ቦላ ዴዲያ ኑስ ቲሚርቲ ጊዳና ማላ ሃ ኡባይ ፃፊተሰ።

12 ሄሳ ጊሹ፣ ታ ኤቃሰ ጊያ ኦኒካ ኩንደና ማላ ባና ናጎ።

13 ኦሴ ኡባ ጋኪያ ፓጩፔ ኣቲን ዲማ ፓጩይ ሂንቲና ጋኪቤና። ሂንቲ ዋልቃይ ዳንዳዔይሳፊ ኣቋያ ፓጩን ሂንቲ ፓጩቶና ማላ ኣሊ ኣሞና ያሳይ ኣማኔቲዳይሳ። ሂንቲና ፓጩይ ጋኪያ ዋዴ ሄ ፓጩያ ኢ ሂንቲና ዳንዳዒሳና። ቃሲ ሄ ፓጩያፔ ሂንቲ ኬያና ኦጊያ ኢ ጊሊሳና።

14 ሂዛ፣ ታ ኣልዎ ኣሻቶ፣ ኤቃ ጎይናፊ ሃኪቲ። 15 ሂንቲ ዋዛናማ ኣሲ ጊዲዳ ጊሹ ታ ሃይሳ ኦዳይሰ። ታኒ ጌይሲ ቱማ ጊዳይሳ ሂንቲ ሂንቲ ሁዔን ፒርዲቲ። 16 ኩኒ ያሳ ጋላቲዲ ሻኬቲያ ኣንጅ ፀዓይ ኪሪሰቶሳ ሱሓራ ኢሲፊቴሉ ዴዔይሳ ጊዳይኤ? ቃሲ ኩኒ ባሊያ ኡይላይ ኪሪሰቶሳ ኣሹዋራ ኢሲፊቴሉ ዴዔይሳ ጊዳይኤ? 17 ኩኒ ዳር ጊዲኮካ ኡይላይ ኢሲኖ፣ ኑ ሄ ኢሲ ኡይላ ሻኬቲያ ጊሹ ኢሲ ኣሳቲሉ።

18 ኣኔ ኢሰራዔል ኣሳይ ኦሊዳይሳ ኣኬኪቲ። ያርሼቲዳ ያርሹዋ ማይሳታስ ያርሹ ቤሳራ ኢሲፊቴሉ ባዌኤ? 19 ታኒ ኣይ ጋናው ኮያዳ ጎይና? ኤቃሰ ያርሼቲዳ ካላይ ዋይኮ ኤቃይ ፓሊያባ ጊዳና። 20 ኤንቲ ያርሼይ ያሳስ ጊዳናሺን ቱና ኣያናታሳ። ሄሳ ጊሹ፣ ሂንቲው ቱና ኣያናታራ ኢሲፊቴሉ ዳና ማላ ኮዩኬ።

21 ሂንቲ ጎዳ ፀዓፔ ኡዩሼ፣ ቃሲ ቱና ኣያናታ ፀዓፔ ኡያናው ዳንዳዔኬታ። ጎዳ ጋይታፔ ሚሼ ቃሲ ቱና ኣያናታ ጋይታፔ ማናው ዳንዳዔኬታ። 22 ኑ ሄሳ ኦሊዲ ጎዳ ዩሎይኖ? ኑ ኢያፔ ኣቋያ ሚናዬ?

23 ሂንቲ፣ «ኡባባ ኦላና ማላ ዲጊያባይ ባዋ» ጌታ፣ ሺን ኡባይ ማዳና። ሂንቲ፣ «ኡባባ ኦላና ማላ ዲጊያባይ ባዋ» ጌታ፣ ሺን ኡባባይ ዲቸና። 24 ኢሲ ኢሲ ኣሲ፣ ሃራ ኣሲ ማዲያባ ቆፓናው ቤሴሲፔ ኣቲን ባና ማዲያባ ፃላላ ቆፖፎ።

25 ሂንቲ ካሃ ሲዴን ጌልሲያ ኦይሻ ዴንላና ጊያን ባይዘቲያ ኣሹዋ ጮ ሚቲ። 26 ኣይሰ ጊኮ፣ «ሳዒኔ ሳዒን ዴዲያ ኡባይ ጎዳሳ።»

27 ኢሲ ኣማናና ኣሲ ሂንቲና ኢማታናው ኮዩዲ ፃጊኮ ባናው ኮይኮ ቢቲ። ሂንቲ ካሃን ማዴቲያ ኦይሻን ሲዶና ሂንቲ ሲንሌ

10:16 ማቶ 26:26-28፤ ማር 14:22-24፤ ሉቃ 22:19-20 10:18 ለዌ 7:6
10:20 ዛሬ 32:17 10:22 ዛሬ 32:21 10:23 1ቆር 6:12 10:26 ማዝ 24:1

አሊያባ ኡባ ሚቲ። 28 ሺን ኢሲ አሲ፡ «ሃይሲ ኤቃሰ ያርሼቲዳባ» ጊኮ፡ ሄ ሂንቴው ኦዲዳ አዲያ ጊሾኔ ሂንቴ ካሃ ጊሾ ሄ ካላ ሞጊቲ። 29 ታኒ፡ ካሃ ጊሾ ጌይ ሄ ሂንቴው ኦዲዳ ኡራ ካሃ ጉሱፌ አቲን ሂንቴ ካሃ ጊዳና።

ሃራ አሳ ካሃ ጊሾ ጋዳ ታኒ ታ ለዓቴላ ቦላ አይሰ ፐርዶ? 30 ታኒ ሚያ ካላ ፆሳ ጋላታዳ ሚኮ ባሊዳዳ አይሰ ቦሬቲያና?

31 ሂዛ፡ ሂንቴ አይ ሚኮ አይ ኡዪኮ፡ ዋይኮ አይ ኦሊኮካ ኡባባ ፆሳ ቦንቸሰ አሊቲ። 32 አይሁዴታ ጊዲን ጊሪኬታ ጊዲን ዋይኮ ፆሳ ዋሳ ኬሊ ጊዲን ኦዴሰካ ጴቤ ጊደጊቲ። 33 ታኒ ኡባ ዋዴ ዳሮታ አሻናው ኤንቲ ማዴቲያ ኦጌ ኮያይሲፐ አቲን ታና ማዲያ ኦጌ ኮዪኬ።

11

1 ታኒ ኪሪሰቶሳ ለሚሱዋ ካሌይሳዳ፡ ሂንቴካ ታና ካለቲ።

ጎይና ማራ

2 ሂንቴ ኡባባን ታና ቆጊያ ጊሾኔ ታ ታማርሲዳ ቲሚርቲያ ሚንሊዲ ናጊዳ ጊሾ ታ ሂንቴና ጋላታይሰ። 3 ሺን ኪሪሰቶሲ አዴ ኡባሰ ሁዔ፡ አዴይ ማጫሳሰ ሁዔ፡ ቃሲ ፆሳይ ኪሪሰቶሳሰ ሁዔ ጊዴይሳ ሂንቴ ኤራና ሜላ ታ ኮያይሰ። 4 ባ ሁዔያ ጉሉንቲዲ ፆሳ ዋሲያ ዋይኮ ቲንቢቲ ኦዲያ አዴ ኡባይ ሁዔ ጊዲዳ ኪሪሰቶሳ ቶቼሰ። 5 ባ ሁዔያ ቃጮና ፆሳ ዋሲያ ዋይኮ ቲንቢቲ ኦዲያ ማጫሲያ ሁዔ ጊዲዳ ባ አዘና ቶቻዉሰ። ባ ሁዔያ ቃጮና ማጫሲያ ባ ሁዔያ ሜዴቲዳ ማጫሳ ሜላ።

6 ማጫሲ ባ ሁዔያ ቃጮና ኢፃኮ፡ ባ ሁዔያ ቃንፃቶ። ሺን ኢው ሁዔያ ቃንፃይ ዋይኮ ሜዴይ ቦርሶ ጊዲኮ ባ ሁዔያ ቃጮ።

7 አዴይ ፆሳ ለሚሶኔ ፆሳ ቦንቸ ጊዲያ ጊሾ ባ ሁዔያ ቃቻናው ቤሴና፡ ሺን ማጫሲ አዴሰ ቦንቸ። 8 ማጫሲ አዴፌ ሜዴታሱፔ አቲን አዴይ ማጫሳፔ ሜዴቲቤና። 9 ማጫሲ አዴሰ ሜዴቲሲፔ አቲን አዴይ ማጫሳሰ ሜዴቲቤና። 10 ሃይሳ ጊሾኔ ኪታንቸታ ጊሾ ማጫሲ ባው ማቲ ዴዔይሳ ቤሲያ ማላ ባ ሁዔን ቃጮናው ቤሴሰ።

11 ሺን ጎዳ ቆፋን ማጫሲ አዴይ ባይና ዴና፤ አዴይካ ማጫሲ ባይና ዴናና። 12 ማጫሲ አዴፌ ሜዴቲዳይሳዳ አዴይካ ማጫሳፔ ዬሌቲሰ። ሺን ኡባባይካ ፆሳፌ ሜዴቲሰ።

11:1 1ቆር 4:16፤ ፊል 3:17 11:7 ሜዴ 1:26-27 11:8 ሜዴ 2:18-23

13 እኔ ሂንቴ ፐርዲቴ። ማጫሲ ባ ሁዔ ቃጮና ያሳ ዋሳናው ቤሲ? 14 እዳይ ባ ሁዔያ ዲቺኮ ኢያው ቦርሶ ገደይሳ ሃሪ እቶሺን ማዴቴሉ ሂንቴና ታማርሴን? 15 ሺን ማጫሲ ባ ሁዔያ ዲቺኮ ኢው ቦንቾ ገደን? ማጫሳሰ ሁዔይ እምተዳይ ኢያ ባና ካማና ማላሳ። 16 ሺን ሃይሳ ቦላ ፓላማናው ኮያ አሲ ዳዒኮ፣ ኮሰ ገዲን ዋይኮ ያሳ ዋሳ ከላታሰ ገዲን ሃይሳፌ ሃሪ ዋጊ ባዋ።

ጎዳ ካሁዋ ኤኪያ ማራ
(ማቶ 26:26-29፤ ማር 14:22-25፤ ሉቃ 22:14-20)

17 ሂንቴ ኢሲፌ ሺቁይ ጎዳሰ ገደናሺን ቆሆሰ ገዲያ ገሾ ሃዒ ታ እምያ ኪታን ሂንቴና ናሺኬ። 18 ታ ኮይሮ ሰዒዳይ፣ ሂንቴ ዋሳ ከላን ሺቁያ ዋዴ ሂንቴ ገደን ሻሃቴሉ ዳዒይሳ። ሄ ታ ሰዒዳይሳፌ ባጋይ ቱማ ገደይሳ አማናይሰ። 19 ሂንቴ ገደፌ ቱማ ዳዒይሳቴ እናንቴኮ ኤሬታና ማላ ሂንቴ ገደን ሻኮይ ዳናይሰ እቴና። 20 ሂንቴ ኢሲፌ ሺቁያ ዋዴ ሂንቴ ሺቁይ ጎዳ ካሁዋ ማናሳ ገደና። 21 ሂንቴ ካሉ ሚያ ዋዴ እሶይ ኢሱዋ ናጎና ባይሳ ባይሳ ሚያ ገሾ እሶይ ኮሻቴሰ ሃንኮይ ቃሲ ማላቴሰ። 22 ቱማ ሂንቴ ማናዉኔ ኢያናው ሂንቴው ከሉ ባዋ? ዋይኮ ያሳ ዋሳ ከላ ካዴቴ? አይኮይ ባይና ማንቆታ ዬላዬቴ? ታ ሂንቴና ዋይሳ? ሃይሳሰ ታ ሂንቴና ናሾ? ናሺኬ።

23 ታኒ ሂንቴው አሚዳ ተሚርቴያ ጎዳፔ ኤካሰ። ጎዳ ዬሱሲ እዲዲ እምቴያ ቃማን ኡይላ ኤኪዲ፣ 24 ያሳ ጋላቴሰ። ኡይላ ባሉዲ «ሃዒቴ፤ ሚቴ። ሃይሲ ሂንቴው አምቴያ ታ አሹዋ። ሃይሳ ሚሼ ታና ሃሳዩቴ» ያገሰ። 25 ሃሳዳካ፣ ካሁዋ ሚዲ ሲሚን፣ ፀዓ ኤኪዲ፣ «ሃይሲ ፀዓይ ታ ሱላን ኤቁያ ኦራላ ጫቁዋ። ሂንቴ እያፔ ኡያ ዋዴ ኡባን ታና ሃሳዩቴ» ያገሰ። 26 ሂንቴ ሃ ኡይላ ሚያ ዋዴኔ ሃ ፀዓ ኡያ ዋዴ ኡባን ጎዳይ ያና ጋካናው ኢያ ሃይቁዋ ኦዴታ።

27 ሃሳ ገሾ፣ ቤሶና ኦጊያን ጎዳ ኡይላ ሚያ ዋይኮ ጎዳ ፀዓ ኡያ ኦኒካ ኢያ አሹዋኔ ሱላ ቶቺዳ ገሾ ባ ናጋራን ኦይሹቴሰ። 28 ሺን አሲ ባና ፓጮ። ያቲዲ ኡይላ ሞ፤ ፀዓፔካ ኡዮ። 29 ጎዳ አሹዋባ ሻኪ ኤሮና፣ ኡይላ ማይኔ ፀዓፔ ኡዬይ፣ ባ ቦላ ፐርዳ ማሰኔ ኡዬሰ። 30 ሃሳ ገሾ፣ ሂንቴ ገደፌ ዳርቲ ዳቡሪዶሶና፤ ሃርገዶሶና፤ ቃሲ ኡንዴና አሳቴ ሃይቁዶሶና። 31 ሺን ኦ ኦና ፓጪ ቤዒዳባ ገዲያኮ፣ ኦ ቦላ ፐርዳታናሺን። 32 አላሚይ ፐርዳቴያ ዋዴ ኦ አላሚያራ ፐርዳቶና ማላ ሃዒ ጎዳይ ኦና ሴሬሰ።

33 ሄሳ ገሸ፡ ታ አሻቶ፡ ጎዳ ካሁዋ ማናው ሂንቴ ሸቂያ ዋዴ ኢሶይ ኢሱዋ ጋሊ ኤኪቴ። 34 ሂንቴ ሸቆይ ፐርዳሰ ገደና ማላ ኮሻቲዳ ኦኒካ ዴቢኮ፡ ባ ሶን ሞ።
 አቲዳባ ታኒ ያ ባዳ ሂንቴው ኦዳና።

12

ጌሻ አያና ኢሞታታ

1 ታ አሻቶ፡ ጌሻ አያና ኢሞታታባ ሂንቴ ኤራና ማላ ታ ኮያሰ።
 2 ሂንቴ ያሳ አማኖና ዋዴ ደኒ ባይና ኤቃታን ጎሼቲዳ፡ ሂንቴ ኤሮና ሶ ቢዳይሳ ኤሬታ። 3 ያሳ አያናይ ካሌሌያ ኣሲ ኦኒካ፡ «ዬሱሲ ቃንጌቶ» ያጌና። ቃሲ ጌሻ አያናይ ካሌሌያ ዴቢሺን፡ ኦኒካ፡ «ዬሱሲ ጎዳ» ጋናው ዳንዳዖናይሳ ሂንቴ ኤራና ማላ ኮያይሰ።

4 ዴማ ዴማ አያና ኢሞታቲ ዴዖሶና፡ ሺን ኢሞታታ ኢሚያ አያናይ ኢሱዋ። 5 ኑ ጎዳሰ ኦሌያ ዴማ ዴማ ኦሶቲ ዴዖሶና፡ ሺን ጎዳይ ኢሱዋ። 6 ኑ ጎዳሰ ኦሌያ ዴማ ዴማ ኦጌቲ ዴዖሶና፡ ሺን ሄ ኦጌታን ኣሳ ኡባን ኦሌያ ያሳይ ኢሱዋ። 7 ሺን ኢሱዋሰ ኢሱዋሰ ኢሚቲዳ ኢሞታታን ሃራታ ማዳና ማላ ጌሻ አያናይ ቆንጩሰ።

8 ጌሻ አያናይ ኢሱዋሰ ጨንጫቴሌ ኩሚዳ ቃላ ኢሚሰ፤ ቃሲ ኢሱዋሰ ኤራቴሌ ኩሚዳ ቃላ ኢሚሰ። 9 ሄ ጌሻ አያናይ ኢሱዋሰ አማኖ፡ ሃንኩዋሰ ቃሲ ፓሌያ ዋልቃ ኢሚሰ። 10 ጌሻ አያናይ ኢሱዋሰ ማላታ ኦሌያ ዋልቃ፡ ኢሱዋሰ ቲንቢቴ ኦሌያ ዋልቃ ኢሚሰ። ኢሱዋሰ አያናፔ አያና ሻኪ ኤሪያ ዋልቃ፡ ኢሱዋሰ ዴማ ዴማ ደናን ኦሌያ ዋልቃ፡ ቃሲ ኢሱዋሰ ዴማ ዴማ ደናን ኦዴቲዳይሳ ቢርሺያ ዋልቃ ኢሚሰ። 11 ሺን ሃ ኡባ ኦሌይ ሄ ኢሲ ጌሻ አያና። ኢ ኮያ ማላ ኢሲ ኢሲ ኣሳሰ ዴማ ዴማ ኢሞታ ኢሚሰ።

ኣሳቴላኔ ዴማ ዴማ ቢሊቴታ

12 ኢሲ ኣሳቴላን ዳሮ ቢሊቴቲ ዴዖሶና፡ ሺን ሄ ዴማ ዴማ ቢሊቴቲ ኢሲ ኣሳቴሌ ገደሶና። ሄሳዳካ፡ ኪሪሰቶሲ ዴማ ዴማ ቢሊቴቲ ዴቢያ ኣሳቴላ ማላ። 13 ኦኒ ኣይሁዴ ገደን ገሪኬ ገደን ኣይሌ ገደን ዋማኖ ገደን፡ ኡባይ ኢሲ ኣሳቴሌ ገደናው ጌሻ አያናን ፃማቄቲዳ። ቃሲ ኑ ኡባይ ኢሲ ጌሻ አያና ኤኪዳ።

12:4 ሮሜ 12:6-8 12:12 ሮሜ 12:4-5

14 ኑ አሳቴላን ዲማ ዲማ ቢሊቴቲ ዴጎሶናፔ ኣቲን ኢሲ ቢሊቴ ጊደና። 15 ቶሆይ፡ «ታኒ ኩሼ ጊደና ጊሾ ቢሊቴ ጊዲኬ» ጊኮ፡ ኢ ሃሳ ጊደ ጊሾ ቢሊቴቴላይ ኣቲዬ? 16 ሃይሌ፡ «ታኒ ኣይፌ ጊደና ጊሾ ቢሊቴ ጊዲኬ» ጊኮ፡ ኢ ሃሳ ጊደ ጊሾ አሳቴላፌ ኢሲ ቢሊቴ ጊዴይሲ ኣቲዬ? 17 አሳቴላ ኡባይ ኣይፌ ፃላላ ጊዲዳኮ፡ ኑ ኣይቢን ሲባኔ? ቃሲ አሳቴሌ ኡባይ ሃይላ ፃላላ ጊዲዳኮ ኑ ኣይቢን ሲንጋኔ?

18 ሺን ያሳይ ባ ኮዩዳይሳዳ፡ አሳቴላ ጊደን ዲማ ዲማ ቢሊቴታ ዋሊሱ። 19 ኡባይ ኢሲ ቢሊቴ ጊዲዳኮ አሳቴሌ ዋኒዲ ዳኔ? 20 ሺን ቢሊቴቲ ዳር ጊዲኮካ፡ አሳቴላይ ኢሶ።

21 ኣይፌይ ኩሼኮ፡ «ኔ ታው ኮሻካ» ጋናው ዳንዳዔና። ዋይኮ ሁዔይ ቶሆኮ፡ «ኔ ታው ኮሻካ» ጋናው ዳንዳዔና። 22 ሺን ዳቡራ ዳኒያ አሳቴላ ቢሊቴቲ ኑስ ኣዲዲ ኮሾሶና። 23 ቦንቾ ኮሼና ጊዲ ኑ ቆፒያ ኑ ቢሊቴታፔ ባጋታ ዳር ቦንቾሱ። ቃሲ ኑ ቦርሴቲያ ኑ አሳቴላ ቢሊቴታ ኣሌ ቦንቾዲ ናጎሱ። 24 ኑ ቤዒን ቦርሶና አሳቴላ ቢሊቴታሱ ቦንቾ ኮሼና። ሺን ያሳይ ኑ አሳቴላ ቢሊቴታ ዋሊራ ጋሴሌዲ ቦርሲያ ቢሊቴታሱ ኣዲያ ቦንቾ አሚሱ። 25 አሳቴላ ቢሊቴቲ ኢሶይ ኢሱዋራ ሻኮ ሜዶና ዋሊሱ ቆፓና ሜላ ኮሌዲ ሜዲሱ። 26 አሳቴላ ቢሊቴታፔ ኢሶይ ሳኬቲኮ ቢሊቴቲ ኡባይ ኢያራ ሳኬቶሶና። አሳቴላ ቢሊቴታፔ ኢሶይ ቦንቾቲኮ ቢሊቴቲ ኡባይ ኢያራ ኡፋይቶሶና።

27 ሂንቴ ኡባይ ኪሪሰቶሳ አሳቴሌ፤ ቃሲ ሂንቴ ኢሶይ ኢሶይ ኢያ ቢሊቴታ። 28 ዋሳ ኬላን ያሳይ፡ ኮይር ሃዋሬታ፡ ናምዓንሳ ናቤታ፡ ሃቫንሳ አስታማሬታ፡ ካሊዲ ማላታ ኦሌይሳታ፡ ፓሌይሳታ፡ ሃራታ ማዴይሳታ፡ ዋሳ ኬላ ኣይሴይሳታኔ፡ ዲማ ዲማ ዶናን ሃሳዬይሳታ ዋሊሱ።

29 ኡባይ ሃዋሬ? ኡባይ ናቤ? ኡባይ አስታማሬ? ኡባይ ማላታ ኦሌ? 30 ኡባይ ፓሌዬ? ኡባይ ዲማ ዲማ ዶናን ኦዴቲ? ኡባይ ዲማ ዲማ ዶናን ኦዴቶይሳ ቢርሺ? 31 ሺን ኡባፌ ኣዲያ አዋታ ሚንሌዲ ኮዩቲ።

ቃሲ ኡባፌ ኣዲያ ኦጊያ ታ ሂንቴና ቤሳና።

13

ቱማ ሲቆ

1 ታኒ አሳ ቃላኔ ኪታንኸ ቃላ ኦዴታናው ዳንዳዒኮካ፡ ታው ሲቆይ ቆዩኮ፡ ጮ ገሪያ ዳላ ማላ። 2 ቲንቢቲ ኦዲያ አሞይ ታው ዳዒኮካ፡ ጸራ ኡባ ኤሪኮካ፡ ኤሪቴሌ ኡባይ ዳዒኮካ፡ ቃሲ ዳሪያ ዳንሲዲ ሃራሶ ኤፊያ አማኖይ ታው ዳዒኮካ፡ ሲቆይ ቆዩኮ፡ ታ አይኮካ ገዲኬ። 3 ታው ዳዒያባ ኡባ ማንቆታሰ አሚኮካ፡ ሃሪ አቶሺን፡ ታና ታማሰ አላ አሚኮካ፡ ሲቆይ ቆዩኮ ታና አይኮካ ማዳና።

4 ሲቆይ ዳንዳዒንኸ፡ ሲቆይ ኬሃ፡ ሲቆይ ቃናቴና፡ ሲቆይ ጩቁቴና፡ ሲቆይ ኦቶሬና። 5 ሲቆይ ቤሶናባ ኦሐና፡ ሲቆይ ኡዜቴና፡ ሲቆይ ዪሎቴና፡ ሲቆይ ባ ቆሆ ፓይዳና። 6 ሲቆይ ቱማን ኡፋይቴሲ፤ ኣቲን ዎርደን ኡፋይቴና። 7 ሲቆይ ኡባ ዳንዳዒሰ፤ ኡባ አማኔሰ፤ ሎዎባይ ሃናና ገዲ፡ ኡፋይሳን ናጌሰ፤ ኡባ ጌንጩሰ።

8 ሲቆይ ዉርሴሌ ጋካናው ቆዩና፡ ሺን ቲንቢቲይ አታና፤ ዳማ ዳማ ደናን ኦዴቴይሲ አታና፤ ኤሪቴሌካ አቆና። 9 ኦ ኤሪቴላፊ ጉላ ኤርሰ፤ ቲንቢቲያ፤ ባጋ ኦደሰ። 10 ሺን ፖሎ ገዲዳይሲ ያ ዎዳ ፖሎ ገደናይሲ አታና።

11 ታኒ ናባ ዳዒያ ዎዳ ናባዳ ሃሳይሰ፤ ናባዳ ቆፓይሰ፤ ናባዳ አኬካይሰ። ታ ካሃሚዳ ዎዳ ናባቴላ ሃኑዎ አጋሰ። 12 ሃዒ ፖይይ ባይናሶን ማሰቶቴን ቤዔይሳዳ ቤዎሰ፡ ሺን ሄ ዎዳ ኦ ቆንጩን ቤዓና። ሃዒ ኦ ኤሪቴላፊ ጉላ ኤርሰ፡ ሺን ሄ ዎዳ ያሳይ ኦና ኤሪይሳዳ ፖሎ ኤሪና።

13 ሂዛ፡ አማኖይ፡ ኡፋይሲኔ ሲቆይ፡ ሃ ሄሻቲ ኤቁዲ ዳና። ሺን ሃይሳታ፤ አዴይ ሲቆ።

14

ቲንቢቲኔ ዳማ ዳማ ደና

1 ሲቆ ካለቲ። አያና አሞታታ ሚንሲዲ ኮዩቴ፤ ኡባፊ አሊዲ፡ ቲንቢቲ አሞታ ሚንሲዲ ኮዩቴ። 2 ዳማ ዳማ ደናን ኦዴቲያ አሲ ያሳሰ ኦዴሲ፤ ኣቲን አሳሰ ኦዴና። ሺን አሳሰ ቆንጩቦና ጸራ አያና ዎልቃን ኦዴቲያ ገሾ ኦኒካ ኢ ኦዴቲይሳ አኬኮና። 3 ሺን ቲንቢቲ ኦዴይሳቲ አሲ ዲቻናው፡ ሚንሴላናውኔ ሚንላናው አሳሰ ኦዴሰ። 4 ዳማ ዳማ ደናን ኦዲያ አሲ ባና ዲቹሰ። ሺን ቲንቢቲ ኦዲያ አሲ ዎሳ ኬላ ዲቹሰ።

5 ሂንቲ ኡባይ ዳማ ዳማ ደናን ኦዴቲያኮ ታ ደሳይሰ፡ ሺን ቲንቢቲ ኦዳናይሳ አላዳ ደሳይሰ። ዳማ ዳማ ደናን ኦዴቲይሳ ዎሳ

13:2 ማቶ 17:20፤ 21:21፤ ማር 11:23

ከሌ ዲቻናው ቢርሺያ አሲ ጳጳስ፡ ዲማ ዲማ ደና ኦዴቲያሳፊ ቲንቢቲ ኦዴይሲ አዲስ።

6 ሺን ታ አሻቶ፡ ታኒ ሂንቴኮ ባዳ ቆንጨጫን ዋይኮ ኤራቴላን ዋይኮ ቲንቢቲ ኦዴን ዋይኮ ቲሚርቲን ጊደናሺን ዲማ ዲማ ደናን ኦዴቲኮ ሂንቴና አይ ማዳኔ? 7 ዲማ ዲማ ዬላ ሚሺታስ አሲ ቆሞ ገርሲ ዴዒኮ፡ ሱሱልዔ ገርሲኔ ዲላ ገርሲ ዋቲዲ ሻኪ ኤራኔ? 8 ቃሲ ሞይዜ ፑኖይ ጌዩዲ ኤራቶና ኢዲኮ ኦላስ ገጌቲይ ኦኔ? 9 ሃሳዳካ፡ ዲማ ዲማ ደናን ሂንቴ ኦዴቲይሲ ቆንጨጫ ጊደና ኢዲኮ ሂንቴ ኦዴይሳ ኦኒ ኤራኔ? ሄሲ ጫርኮስ ኦዲያ ማላ።

10 ሃ አላሚያን ደር ደናቲ ዴዎሶና፤ ሄ ኡባስ ቢርሺሌ ዴዔስ። 11 ሺን አሲ አሲ ኦዴቲያ ደና ታኒ ኤርና ኢዲኮ ኢ ታው አማሌ ጊዴስ፤ ታካ ኢያው አማሌ ጊዴይስ። 12 ሃሳዳካ፡ ጌሻ አያና አሞታ ሂንቴ ኤካናው ሚንሌዲ ኮይኮ፡ ዋሳ ከሌ ዲቻናው ኡባፊ አዲያ አሞታ ኮዩቲ።

13 ዲማ ዲማ ደናን ኦዴቲያ አሲ ባ ኦዳ ቢርሻናው ቢርሺላ አሞታይ አሚታና ማላ ያሳ ዋሶ። 14 ታኒ ዲማ ዲማ ደናን ያሳ ዋሶኮ፡ ታ አያናይ ዋሶስ፡ ሺን ታ ዋዛናይ አይኮካ ጎዔቲና። 15 ያቲን፡ ታ አይ ኦላናው ኮሺ? ታኒ ታ አያናን ዋሳይስ፤ ታ ዋዛናካ ዋሳይስ። ታኒ ታ አያናን ዬፃይስ፤ ታ ዋዛናካ ዬፃይስ። 16 ሃሳ ጊደና ኢዲኮ ኔኒ ኔ አያናን ያሳ ጋላቲያ ዋዴ ሄ ቤሳን ኔኒ ጌይሳ ኤርና አሲ ኔ ጋላቲይሳ ዋይጊዲ፡ «አሚንዒ» ጋኔ? 17 ኔኒ ያሳ ጋላቲይሲ ሎዎ፡ ሺን ሃራ አሲ ማዴና።

18 ታ ሂንቴ ኡባፊ አላዳ ዲማ ዲማ ደናን ኦዴቲያ ጊሾ ያሳ ጋላታይስ። 19 ሺን ታኒ ዋሳ ከላን ሃራታ ታማርሳናው ዲማ ዲማ ደናን ታሙ ሙኩሉ ቃላ ኦዴታናፔ ኤራቲያ ደናን ኢቻሹ ቃላ ኦዴታናው ደሳይስ።

20 ታ አሻቶ፡ ሂንቴ ቆፋን ናይታዳ ሃናፒቲ። ሂንቴ ኢታባስ ናይታዳ ሃኒቲፔ አቲን ሂንቴ ቆፋን ካሃማታ ጊዲቲ። 21 ጎዳይ፡ ጌሻ ማፃፋን፡

«ታኒ ሃ አሳስ፡
ዲማ ዲማ ደናን ኦዴቲያ አሳኒኔ
አማላ አንፃርሳን ኦዴቲያ አሳን ኦዳና።
ሺን ሄሲ ሃኒኒካ ታና ሲዎኮና» ያጌስ።

22 ሂዛ፡ ዲማ ዲማ ደናን ሃሳዮይ፡ አማኖና አሳሰ ማላ ጊዳሲፔ ኣቲን አማኒያ አሳሳ ጊዳና። ቲንቢቲይ አማኒያ አሳሰ ማላ ጊዳሲፔ ኣቲን አማኖና አሳሳ ጊዳና።

23 ዋሳ ኩላ አሳይ ኢሲፌ ሸቂያ ዋዴ ኡባይ ዲማ ዲማ ደናን ኦዴቲኮ ኤሮና ዋይኮ አማኖና አሳይ ሂንቲ ሸቂቀ ዩዲ፡ «ሃይሳቲ ጎዮሶና» ጎኮናዬ? 24 ሺን ኤሮና ዋይኮ አማኖና አሳይ ዋሳ ኩላ ያ ዋዴ አሳይ ቲንቢቲ ኦዲሺን፡ ሲዒኮ ባ ናጋራ ኣኩካና፤ ቃሲ ኢ ሲዒዳ ቃላን ፐርዴታና። 25 ኤንቲ ኢያ ዋዛናን ጌሚዳ ቆፋ ቆንጨሳና። ሄሳዳካ፡ «ቱማ ያሳይ ሂንቲ ጊደን ዳዔስ» ያጊዲ ማርካቲዲ፡ ጉፋኒዲ ያሳሰ ጎይናና።

ጎይኖ ማራ

26 ታ ኢሻቶ፡ ኑ ዋይጊኖ? ሂንቲ ኢሲፌ ሸቂያ ዋዴ ኢሱዋሰ ማዝሙራይ ዳዔስ፤ ኢሱዋሰ ታማርሶ ኢሞቲ ዳዔስ፤ ኢሱዋሰ ቆንጨዳ ዳዔስ፤ ኢሱዋሰ ዲማ ዲማ ደናን ሃሳዮይ ዳዔስ፤ ኢሱዋሰ ቢርሽላ ኢሞቲ ዳዔስ። ሄ ኡባይ ዋሳ ኩላ ዲቺያባ ጊዳናው ቤሴስ። 27 ዲማ ዲማ ደናን ኦዴቲያ አሳቲ ዳዒኮ፡ ናሞዓ ዋይኮ ዳሪኮ ሄዝ ጊዲዲ ማራን ማራን ሃሳያናው ቤሴስ። ኤንቲ ኦዴቲይሳ ሃራ ኣሲ ቢርሽ። 28 ሺን ቢርሽያ ኣሲ ቆዩኮ፡ ዲማ ዲማ ደናን ኦዴቲይሲ ዋሳ ኩላን ሲዒ ጎ። ባወኔ ባ ያሳሰ ኦደ።

29 ቲንቢቲ ኦዴይሳቲ ናሞዓ ዋይኮ ሄዝ ጊዲዲ ኦደ። ቃሲ ሃራቲ ኤንቲ ጊያባ ፐርደና። 30 ሄ ሸቂቀን ዳዒያ ሃራ ኣሳሰ ኢሲባይ ቆንጨኮ ካሴ ኦዴቲይሲ ሲዒ ጎ። 31 ኡባይ ታማራና ሜላኔ ኡባይ ሚናና ሜላ ማራን ማራን ቲንቢቲ ኦዳናው ዳንዳዔታ። 32 ናቤታ ኣያናይ ናቤታሰ ከቲቲስ። 33 ጌሻታ ዋሳ ኩላ ኡባይ ሜዜቲዳይሳዳ ያሳይ ሳሮቲላ ያሳፌ ኣቲን ጫቦ ያሲ ጊዳና።

34 ማጫሲ ዋሳ ኩላን ሲዒ ጎ። ሙሴ ሂጌይ ጌይሳዳ ኤንቲ ሃራቶፌ ኣቲን ዋሳ ኩላን ኦዳናው ኤንታው ማቲ ባሞ። 35 ማጫሲ ዋሳ ኩላን ሃሳዮይ ቦርሶ ጊዲያ ጊሾ ኢሲባ ኤራናው ኮይኮ ሶን ባንታ ኣዚናታ ኦይቸና።

36 ያሳ ቃላ ኮይሮ ሂንቲ ኤሂዴቲ? ዋይኮ ያሳ ቃላይ ሂንቲ ያላላኮ ዩዴ? 37 ኦኒካ ባና ናቤ ዋይኮ ባና ያሳ ኣሲ ጊዲ ቆቲኮ፡ ታኒ ሂንቲው ያፌይሲ ጎዳ ኪታ ጊዳይሳ ኣኩኮ። 38 ሺን ኦኒካ ኣኩኮና ኢዳኮ ኢካ ኣኩኮቶፎ።

39 ሄሳ ገሾ፣ ታ አሻቶ፣ ቲንቢቴ ኦዳናው ሚንሊዲ አሞቲቴ፤ ቃሲ ዲማ ዲማ ደናን ኦዴቴይሳካ ዲሳፊቴ። 40 ሺን ኡባይካ ዋጋኒኔ ማራን ገደ።

15

ከሪስቶሳ ሃይቆፔ ዴንዲዋ

1 ታ አሻቶ፣ ታ ሂንቴው ማርካቲዳ ዋንጌላ ሂንቴ ኤኪዳይሳኔ ሂንቴ አማኖይ ኢያን ኤቁዳይሳ ሂንቴ አከካና ሜላ ኮያይሰ። 2 ታ ታማርሲዳ ዋንጌላ ሚንሊዲ ኦይኪኮ ሂንቴ ኢያን አታና። ሄሲ ሃናና አደኮ ሂንቴ አማናኦይ ሃዳ ገዳና።

3 ታኒ ኤኪዳ ኡባፌ አዲያ ኪታ ካሴታዳ ሂንቴው አማሰ። ሄሲካ፣ ጌሻ ማፃፋይ ጌይሳዳ፣ ከሪስቶሲ ኑ ናጋራ ገሾ ሃይቁሰ።

4 ዋጌቲሰ፤ ጌሻ ማፃፋይ ጌይሳዳ፣ ሄቫንላ ጋላሳን ሃይቆፔ ዴንዲሰ። 5 ጸደርሳሰ ቆንጨሰ። ሄሳፌ ጉዬ፣ ታማኔ ናሞቡ ሃዋሬታሰ ቆንጨሰ። 6 ሄሳፌ ጉዬ፣ ኢቻሹ ዪታፔ ዳሪያ አሳሰ ኢሲ ቶሆ ቆንጨሰ። ኤንታፌ ዳሪያ ባጋይ ሃሲ ጋካናው ፓፃ ዴያሶና፣ ሺን ጉላቲ ሃይቁዳሶና። 7 ሄሳፌ ጉዬ፣ ያይቆባሰ ቆንጨሰ፤ ጉዬፔ ባ ሃዋሬታ ኡባሰ ቆንጨሰ።

8 ቃሲ ወርሴላን አወጫያ ሜላ ገዲዳ ታው ቆንጨሰ።

9 ታኒ ዬሱሳ ሃዋሬታ ኡባፌ ላፋ። ታኒ ያሳ ዋሳ ኬላ ጎዲዳ ገሾ ዬሱሳ ሃዋሬ ጌቴታዳ ዪጌታናው ቤሶናይሳ። 10 ሺን ያሳ አጵ ኬሃቴላን ታ ሃሲ ገዲዳይሳ ገዲሰ፤ ኢ ታው አሚዳ አጵ ኬሃቴላይ ሜላ አቲቤና። ታኒ ሃንኮ ሃዋሬታፔ አላዳ ዳቡራሰ። ሺን ታራ ዴዲያ ያሳ አጵ ኬሃቴላይ አሊሰፔ አቲን ታና ገዲኬ። 11 ሂዛ፣ ታና ገዲን ኤንቲ፣ ኑ ኡባይ ታማርሴይ ሄሳ፤ ሂንቴካ ሄ ኪታ አማኒዴታ።

ሃቆፔ ዴንዲ

12 ከሪስቶሲ ሃይቆፔ ዴንዲዳይሳ ኑ ሳባኪያ ዋዴ ሂንቴፌ አሶቲ አሶቲ ያቴን፣ ዋይገዲ፣ «ሃይቆፔ ዴንዲይ ባዋ» ያጎና?

13 ሃይቆፔ ዴንዲይ ባይናባ ገዲኮ ከሪስቶሲ ሃይቆፔ ዴንዲቤና ጉሱ። 14 ከሪስቶሲ ሃይቆፔ ዴንዲቤናባ ገዲኮ ኑ ቲሚርቴይ ቃሲ ሂንቴ አማኖይካ ሃዳ። 15 ሃይቆፔ ዴንዲይ ባይናሺን፣ ኑኒ ያሳይ፣ «ከሪስቶሳ ሃይቆፔ ዴንሊሰ» ያገዲ ሳባኪሾ

15:3 እሳ 53:5-12 15:4 ማዝ 16:8-10፤ ማቶ 12:40፤ ሃ.ኦ 2:24-32
15:5 ማቶ 28:16-17፤ ማር 16:14፤ ሉቃ 24:34፣ 36፤ ዮሃ 20:19 15:8 ሃ.ኦ 9:3-6 15:9 ሃ.ኦ 8:3

ፆሳ ዋርዳንቸ ማርካታ ጊዲዳ ጉሱ። 16 ሃይቂዳ አሳይ ሃይቆፔ ዳንዲቦናባ ጊዲኮ ሂዛ፣ ከሪስቶሲ ሃይቆፔ ዳንዲቦና። 17 ከሪስቶሲ ሃይቆፔ ዳንዲቦናባ ጊዲኮ፣ ሂንቲ አማናይ ሃዳ፤ ቃሲ ሂንቲ ሃዲ ጋካናው ሂንቲ ናጋራን ዳዔታ። 18 ሂዛ፣ ከሪስቶሳ አማኒዲ ሃይቂዳይሳቲካ ቆዩደሶና ጉሱ። 19 ኮኒ ሃ አላሚያ ዴዑዋ ፃላላስ ከሪስቶሳን ኡፋይሲ ኦሌዳባ ጊዲኮ፣ ሃ ሳዓን ዳዲያ አሳ ኡባፌ ኩባይ አዲዳ ዩባታ።

20 ሺን ከሪስቶሲ ሃይቂዳይሳታስ ሃይቆፔ ዳንዲን ባይራ ጊዲዲ ቱማ ዳንዲሰ። 21 ሃይቆይ ኢሲ አሳ ባጋራ ሃ አላሚያ ዩዳይሳዳ ሃይቆፔ ዳንዲይ ኢሲ አሳ ባጋራ ዩሰ። 22 አዳሜ ባጋራ አሳ ኡባይ ሃይቂዳይሳዳ ከሪስቶሳ ባጋራ አሳ ኡባይ ዳፆን ዳና። 23 ሺን ኢሶይ ኢሶይ ባ ማራን ማራን ዳንዲና። ከሪስቶሲ ኡባፌ ካሴቲዲ ዳንዲሰ፤ ሄሳፌ ጉዬ፣ ከሪስቶሳይሳቲ ኢ ያ ዎዴ ዳንዲና።

24 ሄሳፌ ጉዬ፣ ከሪስቶሲ ሃሪይሳ፣ ማታኒ ዎልቃ ኡባ ቆይሲዲ፣ ካዎቲሳ ፆሳ አዎስ አሚያ ዎዴ ዎዲያ ወርሴሳይ ያና። 25 ፆሳይ ኢያ ሞርኬታ ኡባ ኢያ ቶሁዋፔ ጋርሳን ዎላና ጋካናው ከሪስቶሲ ሃራናው ቤሴስ። 26 ወርሴሳን ኢ ቆይሳናው ዳዲያ ሞርኬይ ሃይቆ። 27 ጌሻ ማፃፋን፣ «ፆሳይ ኡባባ ኢያ ማታፔ ጋርሳን ሃሪሲስ» ጌቲቲዲ ፃፌቲስ። ሺን ኡባ ኢያ ማታፔ ጋርሳን ሃሪሲስ ጌይሲ፣ ኡባባ ኢያ ማታፔ ጋርሳን ሃሪሲዳ ፆሳ ጉጁና።

28 ኡባባይ ከሪስቶሳ ማታፔ ጋርሳን ሃሪቲዳፔ ጉዬ ከሪስቶሲ ቃሲ ባ ሁዔን ኡባባ ባው ሃሪሲዳ ፆሳስ ሃሪታና። ሄ ዎዴ ፆሳይ ባ ፃላላ ኡባ ሃራና።

29 ሃይቂዳይሳቲ ዳንዲናባ ጊዲኮ ኤንታ ጊሾ አሳስ አይቢ ዎዴይ ዳዲ? ሃይቂዳይሳቲ ዳንዲናባ ጊዲኮ ያቲን፣ አይሰ፣ አሳይ ሃይቂዳይሳታ ጊሾ ፃማቄቶና?

30 ያቲን፣ ኮኒ አይሰ ኡባ ዎዴ ኑናቲሳ ሜቶስ አሌ አሞና? 31 ታ ኢሻቶ፣ ታ ጋላስ ጋላስ ሃይቆስ አቆዳ አሜታይሰ። ሄሲካ፣ ጎዳ ከሪስቶስ ዩሱሳን ዳዲያ ዴዑዋ ኢሲፌቲሳን ሂንቲናን ጨቂያ ጊሾሳ። 32 አሳ ቆፋላ ጊዲኮ፣ ታኒ ኤፌሶናን ደዓራ ቡቲቲዳይሲ ታና አይ ማዲ? ሃይቂዳይሳቲ ሃይቆፔ ዳንዲናባ ጊዲኮ፣ «ዎንቶ ኑ ሃይቂያ ጊሾ ሃቺ ማና ኡያና» ያጊያ አሳ ሜላ ጊደስ።

33 ጨሜቶፊቲ! ኢታ ላጌቲሌ ሎዎ አማሊያ ኢሴስ። 34 ሂንቲ አኬካኮ ሲሚቲ። ናጋራ ኦሎፊቲ። ሂንቲፌ ኢሲ ኢሲ አሳይ ፆሳ ኤርኮና። ታኒ ሂንቲና ዩላያናው ሄሳ ጋይሰ።

ዴንዶ አሳቴሌ

35 ኢሲ አሲ፡ «ሃይቂዳ አሳይ ዋኒዲ ዴንዳኔ? ኤንቲ አይ ማላ አሳቴላራ ያኔ?» ያጎና አገና። 36 ኔኖ ኤያው፣ ኔኒ ቢታን ዜሪያ ዜሪላይ ሃይቆና ደሌና። 37 ኔኒ ዜሪይ ገሰቴ ገዲን ዋይኮ ሃራ ካላ ቆሞ አይፌ ፃላላ ዜራሳፔ አቲን ደሊዳ ደላ ገዴና። 38 ሺን ያሳይ ዜሪላሰ ባ ደሲዳ ማላ ማዴቴሌ ኢማሰ። ዲማ ዲማ ዜሪላሰ ዲማ ዲማ አሳቴሌ ኢማሰ። 39 ማዴቴላ ኡባ አሾይ ኢሶ ገዴና። ሺን አሳ አሾይ ኢሶዋ፤ ማሄ አሾይ ዲማ፤ ካፎታ አሾይ ዲማ፤ ቃሲ ሞሎ አሾይ ዲማ።

40 ሳሎ አሳቴሌ ዴዔሰ፤ ቃሲ ሳዓ አሳቴሌ ዴዔሰ። ሺን ሳሎ አሳቴላ ቦንቾይ ዲማ፤ ቃሲ ሳዓ አሳቴላ ቦንቾይ ዲማ። 41 አዋ ቦንቾይ ዲማ፤ አገና ቦንቾይ ዲማ፤ ያለንቶታ ቦንቾይ ዲማ፤ ኢሲ ያለንቶይ ሃንኮ ያለንቱዋፌ ቦንቾን ዲማቴሰ።

42 ሃይቂዳይሳቲ ሃይቆፔ ዴንዲያ ዋዴ ሄሳዳ ሃናና፡ ሃይቂያ አሳቴላይ ዜሪቴሰ፤ ሃይቆና አሳቴሌ ገዲዲ ዴንዴሰ። 43 ቶሼን ዜሪቴዲ፣ ቦንቾን ዴንዳና፣ ዳቡራን ዜሪቴዲ፣ ዋልቃን ዴንዳና። 44 ማዴቴላ አሳቴላይ ዜሪቴዲ፣ አያና አሳቴሌ ገዲዲ ዴንዳና። ማዴታ አሳቴሌ ዴዒኮ፣ አያና አሳቴሌ * ዴዔሰ።

45 ሄሳዳካ፡ ጌሻ ማፃፋን፡ «ኮይሮ አዴይ፣ አዳማይ፣ ፓፃ ዴዒያ አሴ ገዲዲ ማዴቴሰ» ያገሰ። ሺን ወርሴላ አዳማይ፣ ኪሪሰቶሲ፣ ዴዎ ኢሚያ አያና ገዲሰ። 46 ሺን ማዴታ አሲ ኮይሮ ዩን፣ ጉዬፔ አያና አሲ ዩሲፔ አቲን አያና አሲ ኮይሮ ዩሴና። 47 ኮይሮ አዳማይ ቢታፌ ማዴቴዳ ቢታ አሲ፤ ናምዓንሉ አዳማይ ሳሎፔ ዩዳ ሳሎ አሲ። 48 ቢታፌ ማዴቴዳይሳቲ ቢታፌ ማዴቴዳይሳ ዳናሶና። ሳሎይሳቲ ሳሎፔ ዩዳይሳ ዳናሶና። 49 ኑኒ ቢታፌ ማዴቴዳ አዲያ ዳኔይሳ ማላ ሳሎፔ ዩዳ አዲያ ዳናና።

50 ታ ኢሻቶ፣ ታ ገይሲ ሄሳ፤ ሃዒ ኑ ማዒዳ አሳቴላይ ያሳ ካዋቴላ ላታናው ዳንዳዒና። ዋቂያ አሳቴላይ ዋቆና አሳቴላ ላቴና።

51 ታ ሂንቴው ኢሲ ፀራ ኦዳና። ኑ ኡባይ ሃይቆኮ፣ ሺን ወርሴላን ኡባይ ላማታና። 52 ሞይዜይ ፑኔቲያ ዋዴ አይፌይ ቂጲ ፃላናው ሃሳዮና ላማታና። ሃይቂዳ አሳይ ዋቆና አሲ ገዲዲ ዴንዳና፤ ኑካ ላማታና። 53 ሃይሲ ዋቂይሲ ዋቆናይሳ፣ ሃይሲ ሃይቂይሲ ሃይቆናይሳ ማዓናው ቤሴሰ።

* 15:44 አያና አሳቴሌ፡ ጌሻ አያናይ ሃራዳ ዋይኮ ጌሻ አያናይ ዴዎ ኢሚዳ አሳቴሌ ጉሱ። 15:45 ማዴ 2:7 15:52 1ቴሴ 4:15-17

54 ሃይሲ ዋቄይሲ ዋቆናይሳ፣ ቃሲ ሃይሲ ሃይቄይሲ ሃይቆናይሳ ማዒያ ዋዴ ገሻ ማፃፋን፣ «ሃይቆይ ያኖን ሚቲቲስ» ጊያ ቃላይ ፖሌታና። 55 ሂሳዳካ፣

«ሃይቆ፣ ኔ ያኖይ አዉን ዳዒ?»

ሃይቆ፣ ኔ ቆሂያ ዋልቃይ አዉን ዳዒ?»

ጊዳ ቃላይ ፖሌታና። 56 ሃይቆይ ዱኪያ ዋልቃይ ናጋራ፤ ቃሲ ናጋራ ዋልቃይ ሂጌ። 57 ሺን ኑ ጎዳ ዩሱስ ኪሪስቶሳ ባጋራ ኑስ ያኖ አሚያ ያሳ ጋላቲ ጋኮ።

58 ሄሳ ጊሾ፣ ታ ሲቆ አሻቶ፣ ቃያና ሚኒዲ ኤቂቲ። ጎዳ ኦሱዋን ሂንቲ ዳቡሪይሲ ጮ ጊደናይሳ ኤሪዲ ኡባ ዋዴ ጎዳ ኦሱዋ አዛሎና ኦሊቲ።

16

አማኒያ አሳስ ሸቂዳ ማዲዋ

1 አማኒያ አሳስ ሚሼ ሺሾባ ጋላቲያ ዋሳ ከጣታስ ታኒ ከቲዳይሳዳ ሂንቲካ ኦሊቲ። 2 ሚሼያ ሺሾይ ታ ሂንቲኮ ቢያ ዋዴ ጊደና ሜላ ኢሶይ ኢሶይ ሳሚንታፌ ከይሮ ጋላስ፣ ዋጋ ዋዴ ዋጋ ዋዴ ባ ዳሜይሳፌ ከሲዲ ባ ሶን ዳጋዮ። 3 ታኒ ያ ቢዳ ዋዴ ሚሼያ ዩሩሳላሜ ጋላና ሜላ ሂንቲ ዶሪያ አሳስ ዳብዳቤ አማዳ ኤንታ ዩሩሳላሜ ኪታና። 4 ኤንታራ ታ ቡሳይ ኮሺያባ ጊዲኮ ኤንቲ ታራ ባናው ዳንዳፖሶና።

ጳውሎሳ ቆፋ

5 ታኒ ማቄደኒያራ አቆናው ቆጊዳ ጊሾ ያ ባዳ ሂንቲኮ ያና።

6 ታ ቢያሶ አው ጊዲኮካ፣ ታ ቡሳን ሂንቲ ታና ማዳና ሜላ ሂንቲ ማታን ጉላ ዋዴ ጋሞፖና አጊኬ። ባልጎ አጌናታ ሂንቲ ማታን አሶና ዋያ አጋና። 7 ታኒ ኦጌራ አቆሼ ሂንቲና ቤዓናው ኮዩኬ። ጎዳይ ጊኮ፣ ሂንቲ ማታን ጉላ ዋዴ ታካናው ቆጋይሶ።

8 ሺን ታኒ ጳንጻቆስጻ ባሌይ ጋካናው ኤፌሶናን ጋሞዓና።

9 ታው ኦሶይ ኩሚዳ ዳልጋ ፔንጌይ ዳዩቲስ፣ ሺን ዳሮ ኤቁቲያ ሞርኬቲ ዳፖሶና።

10 ኢ ታ ሜላ ጎዳ ኦሶ ኦሊያ አሲ ጊዲያ ጊሾ ጂሞቲዮሲ ሂንቲኮ ቢኮ፣ ሂንቲ ማታን ኢ ሂርጎና ዳና ሜላ ኦሊቲ። 11 ኦኒካ

15:54 ኢሳ 25:8 15:55 ሆሴ 13:14 16:1 ሮሜ 15:25-26 16:5 ሃ.ኦ 19:21 16:9 ለዌ 23:15-21፤ ዛሬ 16:9-11፤ ሃ.ኦ 19:8-10 16:10 1ቆሮ 4:17

ኢያ ካጵፖ። ኢ ታኮ ሳር ሲማና ማላ ኢያ ማዲዲ ሞይዚቴ። ታኒ ኢ ሃንኮ አማኔይሳታራ ሲማናይሳ ናገይሰ።

12 ኑ አሻ አጲሎሲ ሃንኮ አማኔይሳታራ ሂንቴኮ ባና ማላ ታ ኢያ ሚንጻ ዋሳሰ። ሃዒ ሂንቴኮ ባናው ኮዪቤና፣ ሺን ኢያው አንጃቴያ ዋዴ ሂንቴኮ ባና።

ወርሴላ ዘሬኔ ሳርሶ

13 ባርኪቴ፤ አማኖን ኤቁቴ፤ ፃሊቴ፤ ሚኒቴ። 14 ኦሶ ኡባ ሲቆን ኦሊቴ።

15 ታ አሻቶ፣ ኢስፂፋኖሴይኔ ኢያ ሶ አሳይ አካያን ኤንቴ ኮይር አማኒዳይሳታ ገዴይሳኔ አማኔይሳታ ማዳናው ባንታና አሊ አሚዳይሳ ሂንቴ ኤሬታ። 16 ሂንቴካ ኤንታ ማላ አሳሲኔ፣ ኤንታራ ኦሶን ዳቡሪያ ኡባሰ ኪቴታና ማላ ታ ሂንቴና ዋሳይሰ።

17 ኢስፂፋኖሴይ፣ ፎርቹናሲኔ አካይቆሲ ታኮ ዪዳይሲ ታና ኡፋይሲሰ። ሂንቴ ባይና ቤሳን ኤንቴ ሂንቴና ገዲዲ ታ ፓጫ ኩንሊደሶና። 18 ኤንቴ ሂንቴና ኡፋይሲዳይሳዳ ታናካ ኡፋይሲደሶና። ሄሳ ማላ አሳታ ደሳፒቴ።

19 ኢሲያ ዋሳ ኬላ አሳይ ሂንቴና ሳር ጎሶና። አቁሊኔ ጲሪሰቁላ ባንታ ሶን ሺቁያ ዋሳ ኬላ አሳራ ኢሲፌ ሂንቴና ጎዳ ሱንጻን ዋዛናፔ ሳርሶሶና። 20 አማኒያ አሻቴ ኡባይ ሂንቴና ሳር ያጎሶና።

ጌሻ ዬሬቴሊ ዬሬቴሼ ኢሶይ ኢሱዋ ሳርሊቴ። 21 ታኒ፣ ጳዉሎሲ፣ ሃ ሳርሱዋ ታ ኩሼን ፃፋሰ።

22 ጎዳ ደሶና አሲ ዴዒኮ፣ ቃንጌቴዳይሳ ገደ። ኑ ጎዳው፣ ሃያ!

23 ጎዳ ዬሱሰ ኪሪሰቶሳ አጵ ኬሃቴላይ ሂንቴራ ገደ።

24 ታ ሲቆይ ኪሪሰቶሰ ዬሱሳን ዴዒያ ሂንቴ ኡባራ ገደ። አሚንዒ።

ኦራሳ ጩቂዋ ጎፋላ
New Testament in Gofa

copyright © 2011 Wycliffe Bible Translators, Inc.

Language: Gofa

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Gofa

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 21 Feb 2024 from source
files dated 29 Jan 2022
c35d6c73-3843-5482-b53e-7559d35deee5